

光緒山西通志

列女錄二十一 錄士之廿一 山西通志卷百八十二

賜進士出身頭品頂戴兵部侍郎兼都察院右副都御史巡撫山西提督軍務臣張煦奉

旨監修

貞烈 澤州府 遼州 沁州 朔平府 蔚武

王氏臨川知縣李向禹妻 瓌之變逆黨猝逼城下氏曰君往矣守土無念家向禹率內騎出捍氏以白練縊中堂有二

婢從之 陵川 下同

王氏靳居美妻子 歸未久居美遭火死於中州氏聞訃七日不食竟悲號而死 奏聞獲旌

張氏王烈妻 年十九烈病沒痛極持刀自刎家人驚救免越三日伺守者稍怠潛縊烈柩旁 葬之日村人羣助執紼公請旌表

趙氏郭四妻四家貧傭工自給病臥彌年氏以女工易食及
遭喪泣盡繼血遂自縊尸旁年甫十八以烈旌

楊氏郭成妻年二十二成沒自縊柩前署令王匾獎其門並
爲請旌

李氏名英姐張天恩妻年十七歸天恩未踰年天恩寢疾氣
絕氏號泣不食密縫衣履令連綴莫解遂投縊自盡已而天
恩復甦詢知感悼不已閏日仍死

王氏儒士徐五教妻年二十五夫病不起氏絕粒誓死家人
勸慰終不肯食越七日防少疎遂自經與英姐並獲特旌
張氏侯玉春妻里中無賴張迎喜者驟犯之脅以刃氏矢死
不汗喊聲外達迎喜懼且忿勒斃之並刃其腹事發論如律
氏予旌

張氏段六孩妻年二十二翁姑早逝夫亡無子氏慟不欲生
卽日登樓自縊死縣令劉匾旌之

王氏平喜愷妻年二十七喜愷卒無子誓從夫死屬夫弟曰
善事父母次日乘間自縊於柩旁

馬氏王以能妻年三十無所出夫死絕粒矢殉家人苦勸不
從越七日卒縣令劉旌其門

和氏武君聘妻年二十六君聘病亡無子悲慟無生意越一
月其父憐其少微以言諷之氏聞增憤不食越五日而死

傅氏秦克治妻年十七歸克治逾年生一子甫三月克治卒
氏哀痛絕粒翁姑以立孤爲言乃飲拉受命未幾孤以痢殤
氏拊膺長號曰我所以偷生者爲此一塊肉耳今無望矣遂
悲鬱成疾而亡

郭氏秦二則妻年二十二夫亡無子卽日自經死

宋氏申廣洲妻年二十六廣州病沒遺腹生子矢志鞠之月餘子復殤痛夫祀之遂斬也卽日自經死

李氏韓憲章妻適韓未一年而孀哀痛迫切卽自縊死年十九有司嘉之爲請旌建坊

李氏張士楷妻幼孀姆訓事舅姑得歡心及舅姑沒哀毀盡禮士楷以家計艱難謀服賈於孫氏脫簪珥助裝旣而士楷客死樞歸氏絕粒誓殉家人嚴防無間值小祥延族人議立嗣議定慨然曰亡夫有子得以瞑目吾事亦畢矣是夜投環死時年二十二縣令隔獎之

李氏韓顯民妻適韓甫二年夫沒水漿不入口三日乘間自縊事聞于旌

張氏姚如宏妻年十五歸姚甫三月夫病沒慟哭不食十日死

武氏張須妻年二十八須卒誓以身殉斂之日乘間登樓自縊死

董氏馮兆證妻事舅姑以孝聞夫沒舅姑亦繼逝撫遺孤至九歲又殤氏痛哭嘔血擇期速葬三喪事畢遂自縊鄉人哀之勒石以誌

侯氏李小馬妻年十七適李姑早沒夫弟三人俱幼氏親鞠養未期月夫病亡遂投井有司題旌

郝氏與生徐丹桂妻年二十三夫客死於外嚮簪珥集資歸其柩葬畢自縊死于二後並爲諸生乾隆中旌

邢氏秦瓚妻瓚沒引刀自剄爲家人救免卒哭泣不食死先

是瓚生未辟父繼宗卒母趙氏矢志撫以長以節著婦夙嫻
姑範及死人謂節烈萃於一門

趙氏武德光妻年二十一德光沒將從死爲翁姑勸阻飲泣
守志鬱鬱成疾堅不服藥既除服遂卒

原氏龐二過關妻夫死日夜啼泣遂自盡

成氏崔盤石妻夫故決意殉節坦然無戚容視含斂畢夜半
託言更衣投井而死

薛氏楊樹坪妻夫亡自縊柩前有司匾旌其門

李烈女父得會前卒與母張相依幼許字郝氏子二髡二髡
病沒女年十九聞之不淚亦不語嗣母往唁撫膺一慟以絮
塞其口投繯死郝氏感其義迎柩歸合葬焉

任烈女父敏鄉民也許字同里秦洪子聚興將婚婿病亡女

欲衰經奔喪父母不可乃請一謁姑而返許之既至慟哭極前乘間自縊

侯烈女麥姐幼許字同村邵聚廷子春成邵家漸貧父掌積欲悔盟女聞之頗不平父母諭之曰邵雖有盟言並未受聘背之何傷遂許他氏納聘有日矣女潛使人謂邵並述已志促其成禮至日某氏聘至邵氏聘亦至父竟卻邵而納某氏幣焉女知事難挽遂登樓縊死年僅十四

王貞女趙鳴鑿聘妻王德裕女也鳴鑿死女聞訃往弔撫棺痛哭誓與俱死趙父母故村農駭之逐女令歸乃奔赴公堂自陳已志大令楊滂之捐廉爲養贖送歸趙未幾病卒令爲之請旌建坊

張氏趙光重妻光重早失怙恃與兄光燦素敦友愛氏與光

燦妻李氏妯娌同居和好無間縣令旌曰敦和起化姜瓖逆

黨被察投井死

沁水下同

牛氏趙福溥妻寇陷誓被執不屈投井死

劉氏竇仲方妻年十八仲方沒氏絕食五日扃戶紉衣縊死其先祖姑韓氏年二十而寡撫子起光姑呂氏年十九而寡撫子仲方一門三節氏爲尤烈當事旌之

李氏趙喜妻年二十一喜病誓從死及病革氏卽引繩自經府縣成旌其墓

張氏王蓬瀛繼妻夫亡年十八前室子方四齡家停五柩未葬忍死撫孤力營兆域旣而諸喪並舉子亦稍長乃紉衣自經死

崔氏高又清妻結縉三年夫亡旣終喪哭奠於墓歸而投縊

死縣令金鳳旌之並輓以詩一時文士多和之

張氏諸生諱所之妻年十六夫沒無子家惟祖姑存將終事之而屢議承祧不可得乃爲祖姑製衣衾既備潛縊於夫柩側縣令王匾旌其門

韓氏賈如璧妻少適書史明大義歸賈時夫已膺疾侍藥三年不少懈夫沒自縊以殉年二十有五存司爲之請旌

王氏張延祝妻延祝卒氏絕食七日死

秦氏常可搆妻年二十三夫亡既卜葬先期三日自縊死

郭氏許佩妻佩沒無子氏爲之立嗣不踰月自縊死

趙氏王圮妻圮死氏亦自縊時年二十二

袁氏韓石管妻年二十三石管病革請先死以明志遂自縊不移時石管亦死

丁氏郭朝正妻夫沒既殞或諷之嫁泣而不答自經墓所
馬氏席建順妻建順死氏哭斂畢自經

楊氏王建國妻年二十夫亡既葬歸省父母父母以其少勸
之嫁氏掩泣不答返而自經縣令風旌其廬

鄭氏張坤生妻年二十七而寡家極貧鄰婦諷以更適氏默
然尋哭奠夫墓自經死

高氏王佐功妻于歸二年夫亡遺腹生子將授室而殤泣曰
吾所以不死者爲王氏一綫耳今復何望遂自經

李氏李萬選妻自縊殉夫學使旌其門

李氏王建國妻年二十五夫故無子遂投繯死

張氏諸生張詩欽妻詩欽早沒承嗣乏人氏恐死而待卒弗
遂絕粒以殉縣令鹿匾旌之

王氏何應快妻應快死於虎斃殘骸葬之卽自經以殉

劉氏鄒學貴妻結縵三年而孀葬夫畢遂自經

熊氏生員楊玠妻玠沒視舍斃畢卽自縊時年二十八

裴氏韓式愈妻夫沒既斃哭泣不輟投縶喪次以殉縣令徐
匾獎之

張氏楊大亨妻年二十七夫死斃畢朝夕哭奠有遺孤四齡
託族長撫之卽日投縶以殉

趙氏從九李錦林妻年二十五夫亡遺腹生子不舉遂絕粒
啜血而卒學使孫旌其門

王氏崔廣基妻幼讀孝經內則女訓諸書喜談古今節義事
年十八歸廣基越三月廣基客睢陽尋卒柩歸卜葬有期矣
氏於前二日自縊以殉嘉慶中旌

張氏張聲協妻歸聲協半年而聲協病沒晝夜號泣絕粒數日死年甫十六

譚氏陳文運妻文運卒斂畢卽潛服毒救之無及時年二十

八

吉氏陳家讓妻家讓死悲不自勝越三月潛縊柩側死時年二十一

崔氏張二旦妻二旦赤貧日不聊生一日謂氏曰我且夕且死無累汝青年可改適庶得意也氏卽自縊以明己志年二十四

霍氏竇小年妻年十七而寡念孀姑年老輟泣守貞歷數年奉事惟謹富室某聞其賢託媒致意母家亦以青年爲勸氏默然尋自縊死解纜而如生

王氏牛書田妻年二十九書田沒悲號三日飲醕而卒

任氏孫兆元妻夫亡七日哭奠畢自縊死

張氏王三聘妻年二十夫亡未及含斂乘間自縊縣令孫旌其門

許烈女趙偉聘妻也聞偉病沒向隅日泣家人不以為意旋自縊死

王烈女父錫五官台州守女好學能詩許字武安令陳廷懌次子未成婚而陳子死聞訃縞素三年尋服毒死

右澤州府陵川沁水二縣七十三人

楊氏王之雲妻應州人姜瓖叛之雲與長子逢春外出惟次子及幼男在側楊囑曰吾家世篤忠義我何忍貪生致辱賊手兒輩無借死以存王氏後語畢躍入庭院并幼男逢慶牽

衣號泣從之其女已適人聞母死狀亦自經後次子逢泰訪
父數千里卒奉歸孝養郡守葉九思嘉其一門節孝爲之傳

大同

朱氏雷炳妻己丑亂作炳與父志強叔志旺胥被賊繫有使
入黨不從志旺遇害志強父子見囚朱疑翁與夫俱及難懔
慨激烈自經死時年十八

梁氏楊月斗妻生有殊姿月斗叔慶伺間凌逼之梁大聲以
拒慶遁踰月慶復持刀往梁力拒如前慶怒拔刀擊其右臂
不從刃其右股者三又不屈乃斫其右乳而死事聞論慶如
律康熙五十七年旌

畢氏劉榮妻榮家貧爲人傭氏以女工佐之養姑榮沒號痛
欲絕視斂後不復哭或疑有他志乃半夜密縫衣履自縊於

樞側既死不瞑直視夫樞面如生見者歎異

段氏孫汝葺妻汝葺沒僅遺一女守節撫之閱數年夫弟汝昌利其產陰與鄰村劉和謀給氏攜女誓詣和居比至覺有異以詰和和持婚書示之曰若已嫁孫榮今夕當好合矣和故孫氏子榮其母兄於氏爲族子氏知爲所賣仰天號哭急取利刃自衛榮不敢逼乃閉母女一室氏嗚咽竟夕投緘死其女林姐年十一亦自縊事聞論汝昌等如律母女並子旌王氏李化亨妻化亨居得勝堡爲人傭喪收不給未嘗有怨言化亨沒貧不能斂晝夜號泣旋自經以殉

裴氏劉緒妻緒以牧羊爲生常居村外破窯後病沒氏故有妾富人多欲娶之矢志不嫁一日值絕炊其父力勸改適陽許之卽夕自縊於破窯中聞者莫不嘉歎

劉氏王某妻某居石燕村與村人韓朝佐有隙韓因以穢事誣氏嫚罵之氏羞忿自盡道光二年旌

賈氏臧某妻年十七歸某其翁酒於酒偶以游語挑之氏面頰拂袖出適母疾往省泣訴之母勉慰並戒其婿返未踰月其翁復陰持錢布厚貽氏以蠱之氏自度不免辱遂自經以明志後事白道光中旌

陳氏浙江鄞縣人大同總鎮九格妾也乾隆三十四年總鎮卒於官氏視斂畢闔戶自經時年二十九巡撫鄂爲之題額

建祠

吳氏黃國忠妻國忠故給事漢軍樂其樂守大同夫婦隨之任樂以其僕婦視爲內嬖既不可犯則日鞭撻其夫欲致之死氏泣謂國忠曰妾義不受辱然妾在君必不免請自殺以

絕狂暴念遂引刀斷喉而死時年二十八雍正初知府許惟
請建祠祀之今府署內烈婦祠是也

武氏呂生財妻夫沒晝夜號泣水漿並絕越三日服毒死

王氏吳起貴妻結納未久起貴服賈遠方及歸病瘵卒氏年
二十一哀毀絕食不欲獨生家人勸之乃假成服之際自縊
死時值炎夏數日始斂而尸不腐

周氏陳典繼妻年十九歸典生男不育以夫老乃撫姪爲嗣
踰數年典卒既爲嗣子授室抱孫女與親黨言吾事已畢不
日當見夫地下家人不置意一夕自經死

王氏金寶先妻寶先充營伍以暴疾卒氏痛哭誓以死殉衆
勸弗聽自縊柩側

李氏陳志清妻年三十夫沒視舍斂畢閱三日服毒自盡

陳氏武生丁寶三妻年二十三夫亡無子欲以死殉婦姑勸曰我在汝決裂若此是速我死也乃飲泣侍養未幾姑竟以憫子逝葬畢遂仰藥死

薛烈女幼許字呂清真未嫁清真病亡女年十七聞訃悲慟不已逕欲奔喪成服父成文弗許嗣令改字議定女聞之飲醢自盡家人哀其志告諸呂迎柩歸與清真合窆焉

劉氏王男子妻里推色秀家貧有老姑夫不能養婦勸薪磨延日會歲大饑有豪族鉤結奸買貨沒饑人女子婦度不免從容謂夫曰老姑穉子不耐枵腹旦暮將俱死若鬻我可得多金第送我至郊必有以自全也男子計無復出忍而許之盡定夫婦中夜預相訣明日買兒果以多金來既成攜婦行男子如婦言送之郊買兒防有他令男子復護出界行四日

舍於天城賈兒度無事乃鞭逐男子匿外舍賈兒盛酒易服若將漁者婦詭曰吾夫不能保吾軀以至此聞日依依私匿於外何爲者是非痛醫之弗肯去去則可以成新婚矣賈兒以爲然行酒酣縱不知所爲婦乃出以賈意呼示夫遂引簪刺喉死自是賈者星散道路轟稱饑婦奇節郭傳芳有傳仁懷胡氏胡登女孫適州人曹姓者曹遊蕩不事生業以身投旗挈胡偕行胡泣與兄訣曰我家傳清白不忍辱身爲奴今日之事一死而已遂自縊

應州下同

楊氏楊耀妻耀卒無子痛哭數日誓不再生衆勸弗聽葬日以頭觸柩而死年二十三

榮氏左兆麟妻夫沒晝夜號泣水漿並絕越八日服毒死年

二十五

武氏劉貴妻年十六貴卒父母憐其少勸再嫁不從尋投井死

白氏程瑞麟妻歸瑞麟甫一年而孀痛哭不食謀自盡不獲既而翁姑令嫁且迫之乃仰藥死時年十九

禹氏李成枝妻年二十九喪夫痛哭數日飲鴆死

楊氏田國富妻國富沒晝夜悲涕飲食俱廢視台斂畢服毒自盡

武氏許國祥妻夫故家赤貧無依越五日自盡

劉氏楊萬順妻萬順卒三日既斂自刎以殉

崔氏秦世臣妻世臣淫佚不軌於正崔常切諫不聽繼以哭且遭撻辱踰年坐罪發遣崔恨適匪人中途必遇侮懷刀入廁先刃嬰兒後自斷喉死

陽高下同

趙氏卹延彥妻驟爲強暴張文基所迫力拒被殺事發文基
諭死氏以烈旌

姚氏參將羅光大繼妻光大卒於任無子氏忍死治喪扶柩
歸里窆期前一日更衣自縊棺衾胥所預備也時年二十七

天鎮
下同

王氏谷發妻發從弟旺少孤從母轉適母亡歸依發備力自
食未幾發病沒旺思妻其嫂將僦居他所直言致之氏泣且
誓鄰婦咸爲勸解旣而旺謀強劫潛遣幼姪出挺然入犯氏
賊拒旺怒持挺擊之旣仆鍋釜其額立時死康熙四十七年
事聞旺抵死氏于旌

谷氏任拭妻歸拭四年而孀誓以身殉舍斂畢水漿不以入
口戚族婉勸以守志撫孤始勉爲進食未幾子復以痘殤遂

絕粒凡十二日氣猶屬家人防範稍疏乘間縊首窗櫺以死
去夫死百日也道光中旌

張氏井坪營外委把總任和妻也光緒二年和卒於官氏飲
鴆以殉時年二十八

侯氏小字四姑直隸西甯士家女也歸母氏子命之命之二
姊長適人次者年笄矣父某諸生以妻病痺恒外宿家事恣
女所爲中表趙存仁者故命之師也久館其家與女私姊妹
媾褻無忌欲並污氏百計誘脅不得則謀強劫一夕乘間突
至婦寢女借姊操繩錐以伺氏方呼告女遽起繩約其頸既
仆矣喉咯咯不能聲出錐連刺曰不從且死胸肉盡爛足陷
處席爲穿已復灼油入口油驟沸與血相噴射卒宛轉力拒
以死乃詭爲自縊狀而逸時氏年十八歸命之甫八月也事

發官捕趙及女案誅之訓導楊恩樹嘗書其事云

張氏備童劉煊妻年十八煊卒誓以身殉翁姑謂其有遺腹
勸勿輕生而哀痛過甚娠未及期而墮泣曰今無望矣投繯

而逝

續盤
下同

李氏陳滿洞妻乾隆五十二年大饑家貧累日不舉火有勸
滿洞鬻妻以求活者借其人至議價既定氏始知乃先向之
索千錢約次日成券至夜令滿洞持錢速去謀食他方妾營
死此誓不辱君滿洞依依不忍婦旋就縊則大痛亦投繯死
縣令朱休度賦詩旌之

馬氏溫某妻刈黍田野鄰家子張某乘間挑之氏力拒得脫
歸羞忿誓必死夫知之與家人勸慰防守五晝夜見其意少
解不復備竟投井死縣令朱並紀以詩

王氏村民郝周妻強暴張榮者強犯之氏峻拒免旣而慙忿

自縊事發當事爲題旌論榮如律

靈邱下同

張氏温天起妻里人王丑廝投以穢言氏義不受辱忿極赴井死事聞抵丑廝於法氏以烈旌

孫氏張某妻道光中以烈旌事實不詳

以上大同府

趙氏知縣范鼎鉉妻陳氏貢生范台鉉妻姜逆之變同居左雲川衛賊攻城急二氏相戒弗受辱城破各抱幼女投井死越數日出其尸而色如生女俱在抱其時城中婦女死者井

皆填滿惜湮沒不傳

右玉下同

劉氏鑲紅旗漢軍協領徐嘉英妻嘉英病沒氏年三十六投縊以殉

趙氏鑲黃旗滿洲防禦世襲拜他拉布喇哈番常祿妻年二

十四夫卒投繯以殉

廖氏任義妻義卒矢殉夜半潛縊柩側

石氏田裕國妻裕國病卒子述聖甫六歲既得所託誓從夫死視舍斂畢自縊柩側

趙氏董宏祥妻結縵八月宏祥卒誓不再適守節逾六年忽有媒來求婚氏歎曰少婦守志多不諒於人不如死也遂自

盡

謝州下同

劉氏王善教妻夫亡遺一子一女貧無立錫寄食兄嫂家有欲奪其志者誓死不從將強之氏恐不免夕起密縫裏衣投井而死事聞獲旌

周氏原生蒯汝培妻汝培文行素著母田氏卒復喪其妹哀痛幾絕遂病狂未幾亦死無子氏痛夫之死孝且絕嗣也誓

以身殉葬期漸近臥疾不起家人欲以色服斂之張目直視
曰吾當喪服何爲此者遂易衰經而終

劉氏蔚登第妻登第沒氏年二十七遺二子俱幼家貧翁衰
老氏矢節事育備極艱辛無何翁亦卽世氏竭力營葬將及
期有欲奪其志者議已定而氏乃知之大忿卽自縊柩前州
守匾其門

劉氏幼時父母以貧故鬻爲富家婢及長適劉象兒象兒嗜
酒棄木業窘極無聊將轉鬻氏知之遂仰藥求死其主母
陳氏慰救之泣曰主人翁卽世數十年矣母不去何也况吾
夫在前有何面目事他人哉竟死

陶氏田元廝妻元廝素浪蕩遠出不歸舅姑將令改嫁氏聞
之自縊死

劉氏常榮之妻強暴王三強犯之誓不受辱自縊死事發給

旌三論如律

左集下同

彭氏苗子成妻家貧甚子成備食塞外數年病沒氏年二十八無子家人利其嫁時聒之氏伴應曰若能歸夫棺葬畢卽如命及棺抵里哭臨五日其夕闔扉自縊死

董氏廖慶和妻夫沒無嗣三日服毒死

晏氏張起福妻年二十五夫亡自盡以殉嘉慶中旌

崔氏郭生泰妻年二十三生泰卒誓以身殉絕粒六日死

并坪參將佟國仕妻某氏姜瓖之變遣僞將周世德夜襲并坪城佟聞變拔刀巷戰爲亂兵所傷賊入署氏登樓發矢禦

之矢盡墜樓死

平魯下同

李氏王壁妻壁病沒氏年十七家故貧姑及母並勸之嫁氏

力拒以死自誓而其姑竟許配某氏子娶有期氏始知遂自縊衛守以聞於府時葬已數月矣官開棺驗之面色如生皆驚爲異府爲之請旌焉

周貞女鄭國賢聘妻也國賢卒訃至哀痛不食屢欲自盡父母恐言於鄭而送歸焉既至蒲柩前哭盡哀被髮毀容足不踰闕矢守十餘年咸豐中旌

以上朔平府

范氏閩維屏妻乾隆十六年旌又有王廷官妻祁氏高有珍妻田氏俱因強逼不從肆罵被殺有司爲誅強暴而請旌焉

常武

下同

謝氏僑童葛宗賢妻宗賢病革知不可爲盛飾以出謂宗賢曰妾將從君地下家人未及防自經於樓宗賢聞之領而逝蓋同時云

姬貞女許字買景印年十八于歸有期而景印死女不食面
甚慘或曰未成婚可改字也何戚爲色轉怒父母憐其志蓋
棺之日令以素服先見舅姑姑曰焉有爲夫守節而不識一
面者掖之使視乃剪髮附棺一慟幾絕里黨聞女至爭來觀
多泣下者

孫氏諸生萬鉞妻尙書世德孫婦也年十九而孀守節四十
年姜壤變殉難焚死

偏關
下同

宋氏王朔鼎妻鎮西指揮使宋興女己丑亂作鼎從父投河
死氏日夜號泣絕飲食者四日因自縊時年十九

屈氏毛宏吉妻宏吉調防吳越行月餘復調妻子偕往氏泣
曰婦人無夫獨行數千里卽見夫而能保其爲完人乎不若
一死謝之遂自縊同時營卒趙自旺妻胡氏亦以奉調南行

投縊死

馬氏萬年圖妻圖沒於軍氏曰夫既沒我將何從遂投縊以
殉

張氏白奇英妻家雖甚貧夫婦相敬奇英入山而樵有劉贊
龍者乘間抵婦室逼之婦大罵被殺未殊復歷以磨石而逝
事發官捕誅贊龍而請旌焉

張氏趙全妻全素愚懦嗜博蕩其產藜藿不飽婦無怨言博
徒窺婦美時挑之或乘乏食時遺以物婦皆峻拒一日全賂
債爲無賴所迫婉勸婦款接以抵婦不從全竟偕無賴至婦
知不免乃詭言心痛期以來竹旋卽閉戶自經咸豐中旌
武氏諸生張振繼妻年二十九振卒氏晝夜號泣絕食五日
而死學使朱匾旌之

王氏任際周之母夫沒忍死鞠際周以長已而際周復不永年遂自縊縣令李旌其門

楊氏吳茂祥妻村居族人馬漢者乘間逼之婦怒詈爲所殺

事聞馬漢論如律婦子旌建坊八角堡

神池

李氏郭命宏妻家貧動循禮法康熙甲午氏掃墓道僻鮮人有張男子者乘機凌逼氏格拒不從被殺旌如例

五案以甯武府

右大朔甯三府七十八人

王烈女雲花王啟文女也幼失恃事繼母如所生年及笄許字劉安常未婚而安常病沒女晝夜慟哭絕粒死時年十九

州

李氏舉人田成玉妻成玉病卒遺一女從姑命勉撫之而殉

夫之念不能自釋也歷七年女稍長卒自縊死

榆社下同

石氏成玉弟廩生凝玉妻凝玉卒將自刎以殉爲家人所持
三日後防稍疏縊死柩側乾隆五年與李氏同旌時稱田門
雙烈云

張氏郝錦繡妻年十八于歸甫半年而錦繡病沒婦慟哭以
死自誓家人密防之時久稍懈遂服毒死距夫沒未百日也

以上
遂州

張氏王悅曾妻年二十三而孀一女方五歲悅曾有幼弟二
氏撫之劬勤備至每日俟叔有室女有家吾有以自處也越

十數年婚嫁既畢歎曰吾責盡矣閨戶自縊

沁州
下同

王氏張結妻年二十一結沒矢志從死恒拊二女而言曰俟
若事畢吾當爲自了計閱十七年兩女既嫁氏泣奠夫主前
旋自縊

王氏武一貫妻家貧夫外出村人張起進調以遊詞爲氏嘗斥乃約同無賴郭正興負夜入室將強劫氏力拒至被毆傷憤極自縊事發郭張俱論死氏以烈旌

王氏石柱保妻夫外出鄰人王貴生隲其獨居託索物戲挑之氏奮臂聲徹於外乃遁去憤憤莫釋旋卽自縊嘉慶中旌王氏花縣知縣楊紹祖繼妻性端淑啗嗜經史紹祖卒於官氏年二十八一痛幾絕攜子本魯及前妻子本愚扶柩至漢口資盡乃寄柩僧寺與二子乞貸以歸旣抵里力措貲令本愚復南行移柩而自課本魯讀旣而喪歸無耗本魯亦天痛極數覓死家人嚴防之乃設奠卽夜招魂祭夫乘間自縊

王氏王攀龍妻姜逆之變被掠氏奮罵不屈賊怒斷其手足

死

海源
下同

李氏生員王簡妻爲賊兵所執挾行數十里罵不絕口遂遇害

李氏劉萬祚妻寇變走避遇賊萬祚被害氏奮罵求死賊並殺之

王氏諸生董鎧妻年二十七鎧亡無子夫弟幼忍死撫之既娶舉子氏喜曰董祀縣矣妾可從夫遂乘間投繯死

賈烈女梅枝張四維聘妻也四維病沒女聞訃欲奔喪其姑弗許日夕飲泣遂成疾戚某精於醫父母延之診治女堅不令視會有求婚者父母將許之女聞遂絕粒死年十七時嘉慶戊寅歲也迄同治甲子四維弟諸生澍始啟女觀與四維合葬焉並爲之請旌

胡貞女幼字宋維明年十八將婚而維明遊疾卒女矢志不

二父飛鳳故士人察其誠許之爲告諸宋氏具輿馬迎歸焉
事翁姑以孝聞未幾卒縣令黃家楨爲之傳

程氏程孝逸妻年二十一孝逸卒越七日自縊以殉

武鄉下同

史氏王賢妻賢渡河溺死氏年二十五號泣河干購夫骸歸
葬訖遂自縊邑令旌其墓

馮氏史蔡光妻年十九夫亡矢志喻半年其父以齒稚無子
有求婚者潛許焉氏聞之慟哭絕粒死

趙氏郝桓玉妻桓玉沒屢尋死皆爲家人所持卒乘間自縊
縣令林區旌之

董氏史彭壽妻父鵬程諸生彭壽沒氏年十九誓死不二
日歸母家聞有來請婚者大痛乃給母以暫返料理衣物母
信以爲志可轉也欣然許之其夕投縊死衣衾皆以鍼密縫

外襲衰絰整飭如生前縣令吳區旌其烈

李氏魏正五妻歸魏未期夫樵於山墮崖死氏方居母家聞耗奔歸痛哭絕粒母勸之則曰願赴死所一慟耳母令其姊偕往至則望崖奮身下墮昇歸復甦卒不食而死年十七縣令王崧賦詩刻石以表其烈

武氏李毓基妻毓基疾竭力侍養曰設有不諱義不獨生及毓基卒日夜哭家人密防之越二日防稍疏卽夕扃戶自縊劉氏韓培英妻二十八歲而孀二子俱在襁褓矢志撫之族人利其嫁陰與某氏鬪說既成約始以告則絲輿已在門矣氏乃給之曰事至此豈能中止一撫視呱呱者卽行耳遂縊死於他所

閻氏趙木妻年二十二夫故矢志不二父母強之他適婚有

期氏始知哭於夫墓歸而自縊

姜氏從九品段明富妻明富夕行失足墜井死氏聞慟絕欲以身殉家人嚴防不得間值元日衆稍懈夜起潛服毒畢命馮氏趙二才妻家貧值丁丑歲穀其夫度難俱活不謀而鬻諸客賈氏知之大痛投崖死

李氏張大昌子婦也夫有疾婚後侍養甚至閏五年竟卒氏矢志自守嗣有富人子求婚父商諸翁竟許之氏度不能挽乃具楮漿哭奠夫墓旋自縊於壁後敗屋中父及翁躡至彼此愕視莫敢聲言遂啟墓而合葬焉

劉烈女姜逆之變避兵山洞中賊攻洞執女縛於馬行里許過高崖女以善言給賊賊信釋之躍身墜崖死家人蹤跡至見一虎守尸旁全體完好如生

以上
松州

潘氏劉宏祿妻及并歸劉相夫綽有賢聲夫遭疾侍湯藥唯
謹既沒矢不獨生越三日自縊死

平定州
下同

池氏王興妻年二十六夫亡事翁越二十年翁沒殞後自經
事聞給旌

李氏王立經妻年二十夫亡無依既葬從容自經

王氏生員張法載妾年二十四法載沒飲藥以殉並旌

姚氏張祿妻以不從強暴自經官置姦人於法乾隆三十九
年旌

張氏生員康廷翼妻夫沒無依歸於母家鄰人偶語嫁事堅
執不從抑鬱而死

姬氏孫榮妻因夫病篤遂同日死州牧立石表之

單氏王用正妻年二十六夫亡氏於其日卽斂至夜分縊死

樞前樂平令李榕護州築匾表其門

李氏生員王朝玉妻夫亡未敘嘆縣死儒學匾表之

尹氏楊福芝妻年二十二夫亡無子營葬前一日投井死儒學給匾表之

李氏在焉妻夫賈蔚州沒於水氏年二十一投縊以殉州牧表其門

張氏監生王霞雲妻霞雲隨任沒於閩氏聞訃卽服毒死

李氏王型妻年二十夫亡矢殉姑病瀕危忍死奉侍姑沒殯斂畢卽自經聞者傷之

馮氏李大確妻年二十一夫患瘵殷勤服事夫亡自經死

葛氏郭銳妻銳少游蕩觸父怒及婦歸將順補救翁乃慰未期銳客死獲鹿旅櫬久羈氏盡典衣襦不足哀泣旬貸乃得

反葬三年喪畢翁以家貧將遣嫁氏嗚咽不應聞議親者至
痛哭嘔血數升不旬日而卒

馮氏劉鵬彩妻年二十一夫亡家貧無子姑勸改適不從絕
粒而死

蘇氏李廣文妻年十九夫亡既殯三日自經死

魏氏劉爾爲妻年三十夫病瘵家甚貧氏侍疾半年慇懃不
懈及沒備棺衾殯斂夜半潛至柩前縊死

郝氏苗昌霖妻年二十八夫亡自縊嘉慶中旌

趙氏和銳妻年十九婚未久銳賈於外不數月歸以疾死婦
居母家間耗至深以不能侍病爲憾遂自經鄰媪解之懸婦
黥之曰夫亡婦殉宜也救何爲者滑解結髮絲繫頸竟死劉
元龍爲文序其事並作山木吟以頌之

張氏王榮文妻年十九夫亡吞鉛粉自盡

王氏于總李鳴玉妾年二十四而孀上無嫡室下無子女哀族人爲之立嗣嗣甫定遂飲藥而死

姚氏商濟妻年二十九夫亡氏卽自盡以殉嘉慶中與趙氏諸人並旌

張氏任學淵妻夫貿易樂城病沒與榷旋里前一日氏聞之自縊道光中旌

姬氏劉瓚妻年二十八瓚卒卽日服毒以殉獲旌

張氏葛傳薪妻年二十一夫亡含斂畢服毒以殉成豐中旌
趙氏白德昌妻青年守節族人某索債不遂旋以惡言誣冒氏羞憤自縊家人鳴之官執某付諸法氏以烈旌

劉氏董希曾妻年二十二夫亡刎頸以殉

王氏郝三錫妻年三十五夫亡服毒以殉咸豐中與劉氏並旌

葛氏郝效謙妻年二十夫病不起許以身殉及遭喪繫帛吞鉛俱被家人救護卒乘間濃煎杏仁汁飲以自斃親黨咸稱悼之同治初旌

葛氏董希堯妻年二十六夫亡視含斂畢絕粒而死

史氏李琳妻年十九夫亡家貧無以爲斂舅姑痛不自持氏出嫁衣改作男服親斂之尋投繯以殉知州恒匾旌之

甄氏李相吉妻年十九夫亡仰藥自盡

郭氏王蔚宗妾蔚宗沒氏服藥將死家人多方救之後三日卒乘間自盡

劉氏何晉如妻年十八夫亡喪葬畢吞鉛粉死

張氏王煥文妻年二十一夫亡仰藥自盡

董氏張嘉詠妻夫亡子女皆無晝夜哭泣不食而死時年二十五同治中與葛氏諸人並旌

賈氏李九潤妻年十六歸賈未及兩月夫亡氏悲憤不勝自縊以殉知州宣表其門

姜氏王圯良妻年二十七夫亡遺孤亦殤氏仰天悲痛投崖而死

荆氏王模妻年二十七模卒遺一子稍長促葬夫旋飲藥以殉

趙氏荆映極妻年二十六映極服塞外客死無子泊輿輓歸葬卽口服毒以殉

郝氏蔡全德妻夫亡未斂卽日投崖死

宋氏郝儉妻年二十五夫亡家貧無依自縊以殉

葛氏康賈生王璧書妻年二十三璧書卒服毒以殉

葛氏陸致和妻年十八喪夫越三月而葬其夕自縊

葛氏孫銘鼎妻年二十夫亡絕粒十日而終

馮氏郭志和妻年二十夫亡舍飯後絕粒二日家人強食之
泣曰未亡人生何益次日投井自盡

郝氏蔡泉德妻年二十八夫死痛極立即墜簷而斃昇歸同
日殯葬焉

李氏周國珍妻年十九夫亡仰藥以殉

任氏趙錦堂妻年二十八夫亡視斂畢仰自縊以殉

孟氏余真卿妻年二十夫亡即口自縊

王氏姬連科妻年二十八夫亡欲殉家人防之葬有期得聞

服藥而死

鄭氏陳文蔚妻年二十二而孀伏枕瞑目水漿不入於口越三日而卒

馮氏和兆魁妻夫沒既除服自縊死

黎氏趙占魁妻年二十一夫為人傷死子在襁褓矢志撫之逾年子夭氏仰藥自盡

李氏王作邦妻夫亡矢節以潯濯資奉孀姑及姑沒投崖死時年二十一

李氏李綽妻綽沒無子奉翁姑以孝聞翁姑既逝旋自縊死
劉氏黃金柱妻與張甫進妻王氏史文金妻李氏劉洛書妻
史氏劉毅堪妻周氏楊熙載妻楊氏並以殉夫死

王氏呂公弼妻年二十七夫故絕粒七日死

郭氏張立芳妻年二十夫沒於京邸氏聞訃絕粒十餘日而卒

孟烈女家貧母將鬻爲人妾女聞之密縫上下衣襟投井死知州王祖庚以文誄之

呂烈女幼許字荆氏子婿亡聞訃成服矢不再適絕粒數日而死族黨義之爲起墳成祀焉

李烈女張運昌聘妻也年十七未婚而運昌病沒女聞耗不食晝夜悲泣而死遂合葬焉

王氏生員趙尙年妻年二十夫沒遺一子復殤忍死八年得嗣子遂自縊知縣高表其門

樂平鄉下同

趙氏生員張繼醮妻年二十八夫亡無所出而前室子咸成立遂不食而卒

張氏高天相妻年二十六夫營生於外暴疾死柩歸自越以
殉

王氏卜慶齡妻年十五夫亡即日自經

李氏張自來妻年二十三喪夫將葬服毒死

董氏楊增盛妻夫亡殯葬後從容仰藥而死

李氏諸生趙咸仲妻年二十七咸仲卒七日不食而死

章氏張增壽妻夫沒家貧族人逼令他適服毒而死時年二

十五

李氏高義妻義服賈沒於外有勸其再醮者氏以未葬夫爲

辭鬻田償債營窀穸立從子爲嗣葬前一日飲毒死

張氏冀之敏妻年二十六夫亡無子家人欲奪其志與在門

氏始知遂飲藥而死

趙氏賈諭妻夫亡卽欲自殉嫂防之嚴不得越期年乘間飲藥而死

李氏高義選妻義選膺痼疾氏奉事殷勤及義選沒詣廨自經

張氏李際雲妻年二十六夫亡自縊

李氏張四虎妻年十九歸張夫好博氏鍼帶得資夫揮去無怨也夫病供奉無缺卒備衣棺含斂從容仰藥而死

王氏閻潤祥妻年十七婚未期月夫亡自縊

李氏王文模妻年二十九夫亡遺腹生男矢志撫之尋以痘殤遂雉經死

李氏張聯第繼妻聯第沒自盡以殉

翟氏郭將妻年十九夫亡自經與李氏並題旌

焦烈女諸生宋邦翰聘妻也年十八將婚而夫適病遂停娶
越三年夫故聞訃自經被旌

劉烈女許字胡萬中聘而未娶遇強暴干以非禮女義不受
辱投井死有司案其事爲旌

李氏劉世輔妻年十七于歸閱十月世輔卒氏痛哭求死姑
防之甚閱半年姑意稍弛得聞自經有司表其門

下同

任氏祁如山妻年二十一如山病屬以他適氏曰我自有處
如山死既葬氏歸拜其母泣與訣返而扃戶自經死縣令羅
表其門

張氏弓慶恩妻歸弓十年夫病風痺卒閱五日氏仰藥自盡
杜氏安士懿妻平定人夫故子女俱無夫弟過嫁氏服喪死
年二十有二

王氏閩廣華妻父文科早死其母故以節著者也氏年二十
廣華客死塞外訃聞氏號痛欲絕既而曰夫柩未歸且待之
踰年柩至哀伏移時忽失所在家人迹之已服毒矣急以藥
解之卻不飲而卒

王氏榮喜蘭妻夫故赴井死時年二十九

張烈女李氏子童養妻也一日歸省母紡績牆下惡少窺其
稚弱欲污之偪以白刃被重創卒不從其母至乃解去氏招
其婿至告之故送之門訣曰君行矣妾斷不貪生以辱君也
遂自縊婿鳴之官執惡少付諸法一時憐其貞烈云

趙氏龐紹貴妻十五歸龐事孀姑王氏甚孝閱六年紹貴病
以氏年少無子囑他適泣曰君無慮此別固不久也比卒凡
斂殯具皆自摒擋請宗老立嗣成服家人以其暇豫不爲備

次日晨起則縊於柩側矣里黨哀之爲之請旌政建坊日姑
竟以痛婦卒

孟縣下同

趙氏鄰國琛妻國琛病劇氏形神勞瘁無人色及卒卽日自
經死年二十四乾隆中旌子宗周以選拔貢太學

李氏栗春旺妻年二十三春旺病與之訣以家貧無子爲言
泣曰夫君不側我亦難獨存也泊春旺卒痛哭不休其夕自
縊以烈獲旌

田氏榮旺妻年二十四旺卒遺一子姑欲嫁之行有期矣氏
屆期自縊縣令胡爲請旌並弔以詩

黃氏胡秉旺妻與族人玉秀同居秉旺他出玉秀欲犯以非
禮陰竊其履氏知爲玉秀也忿習之並訴於夫夫急索玉秀
而氏縊矣事白獲旌

韓氏王永祉妻十七子歸逾年永祉赴保定業陶歷六年陷
火死信至氏一慟而絕家人救蘇閱日乘間自經邑人王珪
嘗弔以詩同治中追旌

李氏翟俊妻年二十俊亡遺孤三月矢志撫育父母利其嫁
強迫之仰藥死

崔氏李滿喜妻年二十九夫亡翁貪重幣迫之嫁氏投水不
死旋復自縊翁恨甚瘞葬於野里黨哀之

閻氏靳文高妻歸八閱月而文高卒未及殯投縊以殉年甫
十六

王氏趙用妻用卒氏年十九無子富人某聞其賢謀於其母
求爲繼室令結氏至以利誘之氏知不免歸而縊死

李氏孫得光妻夫爲人備及病氏朝夕奉侍饑寒骨立夫沒

後子女俱無誓以身殉家人力防之卒乘間自經死年三十
邑人爲勒石表其烈

楊氏張明順妻年十九而孀無子初夫次兄及嫂相繼沒遺
子女皆幼氏撫之冀其成立而夫長兄屢逼之嫁氏悲甚寄
子女於親族自縊而死

張氏王貴卿妻年二十七貴卿病革日夜哭泣誓以身殉已
而病者氣絕復蘇呼氏不得迹之已縊於別室矣越二日貴
卿亦死

楊氏趙蒞元妻蒞元墜井死誓以身殉既葬值奠墓痛哭而
歸傍夕卽闔戶寢姑疑之啟視則已經矣年十九距蒞元沒
甫百日也縣令張爲之傳并輓以詩

趙氏劉際泰妻夫卒絕食六日死

高氏戴繼祖妻繼祖戴氏養子也素無行家人逐之氏恥與俱令離婚歸母家亦不從尋自盡同治中與趙氏並旌

趙氏諸生孫懋敬妻年二十四夫沒晝夜哭泣葬有期前一日飲藥死

李氏舉人趙允殖繼妻允殖卒哀毀異常及葬期迫號泣終日仰藥死光緒中與趙氏並旌

侯氏趙步坦妻年二十四夫沒遺一子尚幼安貧矢守族人利其嫁強遣之婚者以輿至氏知不可抗託言易收入室自縊死

姚氏王進財妻子歸三年夫亡氏從容整理斂事若不戚戚者做畢遂自縊於柩側鄉人爲立石墓前表其烈

易氏陳光義妻歸陳次年值戊寅疫家十餘口相繼沒未幾

光義亦死氏大慟服毒竟死爲族人所持邀其母來勸令改適氏不從促母歸閉戶自縊

劉氏李譽慶妻夫卒誓以死殉有以存孤勸者飲泣應之未及一月族人復強之他適乃沐浴更衣投繯死

張烈女史琦聘妻也母家貧遂待年史室未嬾而琦病沒女

年十五舍盜不敢卒哭夜出舍投崖死

以上平定州

王氏周毓妻妾瓊之亂氏爲賊所獲聲容不改徐步從行給

至溝邊一躍而下死之

忻州下同

侯氏董狀妻結縞數年無子狀病屬其改適氏曰君脫不諱妾請前行以俟病革氏果入陶室先自縊時年三十州人楊玉樹以詩弔之

侯氏李繼先妻奸民王儀謀污未遂反噬以不潔訟之官儀

堅持不釋氏不能自白卽於公庭自刎死葬城南下社村巡
按題石表其烈

楊氏生員米賍妻年十九夫亡子甫晬氏嚙指矢死志不少
釋子七歲遺就外塾一日辭別舅姑從容自盡

孫氏郝茂才妻年二十一姑早喪遺三子皆幼賴氏撫養時
茂才傭工於外病沒柩歸氏自縊以殉

陳氏郝昂妻家貧昂傭工客死於外柩歸氏拜畢入室自縊
年二十

李氏蔚楹齡妻夫沒以姑老忍死奉侍姑卒殯畢寄孤兒於
母家投繯死子焯後登武科

李氏王運中妻歸甫三月夫出外料理塵業旋病沒柩歸里
氏向姑言曰柩停正室宜東偏西尙有待也姑以其言異防

有不測遺女伴宿其後竟乘間經柩側

李氏李可觀妻可觀服賈肅州舅姑衰老氏奉之甚謹歷七年可觀歸中途病沒僧行者爲具棺斂攜以返里氏自母家來見柩始知悲不自勝所親勸之泣然曰悲死者平行將聚矣吾惟悲生者之無以爲養也次日侍舅姑食如平時已乃慘然下拜曰婦不孝不獲終事舅姑須臾將死耳因指衰經曰勿易此以斂舅姑察其狀有異亟詢之不對再三詰問始云已服毒逾時矣方謀解救不及而卒時年二十四洪洞王椅嘗爲之傳光緒中旌

董氏楊純陽妻年二十五無子純陽病劇勸立族人子月朔爲嗣及沒自經以殉

張氏郭懷南妻定襄諸生士俊女也年二十懷南病沒三日

不食家人強勸之始勉餐如平時月餘卒自盡以殉

史氏諸生石和鈞繼妻年二十一夫故誓以身殉以前室子尚幼飲泣撫育閱七年子稍長就傅矣遂吞鉛粉死

侯氏段從善妻年二十二夫故不食五日而卒

李氏趙永疑妻年二十永疑病沒痛哭絕食誓以死殉翁遣使走告母家母至詢其隱則曰婦人從人者也夫死無子伊誰從惟速死從夫地下爲幸耳願母歸語父母念兒也母故明大義聞言淚雨下已乃喜曰汝能如此吾婿爲不死矣越五日竟餓死

郝氏張瑚妻歸瑚二年瑚疾卒三日營奠既畢弔客方散擾攘間姑入殯所見氏踞坐柩前刃加於頸血流滿地大驚曰兒胡爲若此急呼衆至並奔告其母母來詢其故曰無他吾

欲從亡人於地下耳言已而絕衆審視則衰經內已著斂服
雖縷血淋漓而衣不沾濡莫不歎爲義烈云

迎氏陳高妻年二十三夫故厠戶自縊

胡氏王登賢妻夫亡痛不欲生人勸以立嗣乃擇從子爲後
曰吾事畢矣葬之前日盥沐跣收厠戶自縊遂合葬焉

賈氏張致中繼妻夫故時姑早沒翁遠賈於外氏無子女欲
自盡人勸候翁歸越一年翁旋里娶繼室氏閉戶自經翁姑
覺之解救得甦哭曰未亡人矢志久矣今家事有託吾死無
憾仍絕粒而卒

張氏郭培元妻夫往新疆貿易張格爾之變被害死音信杳
然越二年柩旋里氏撫柩慟哭氣絕移時其夜自縊死

沈氏陳統緒妾統緒卒氏慟哭絕而復甦囑孤於嫡自縊以

殉

蕭氏張繼康妻年二十三夫沒自縊死

羅氏諸生王國選繼妻國選卒氏矢志勵節父賈人也自外歸憐其貧困無依勸令改適氏泣曰夫讀書半生不幸早逝豈有士人婦再醮者乎惟死而已父不聽陰遣人作伐氏度不免密縫衣履自縊死光緒中與董氏諸人並旌

賈氏孫從厚妻從厚重駿其母有穢行所私者豔氏色欲並汚之氏不從則肆加凌虐一日氏歸甯謂母曰姑多行不義恐不能復見母矣未幾果遣人促之返竟以毒楚死鄰里咸憤爲訴之官案鞠得實獲以烈旌

郭氏郝耀光妻夫沒哭泣二日不食斂之夕自縊死

吳氏魏輔仁妻年三十夫故卽日服毒自盡光緒中旌

李氏趙某妻趙父行罪因事抵罪其子復繼之氏既歸每泣勸戒終不悛一日又以不義物示氏氏恨曰是怙惡也吾不忍見其及於禍遂自刎死年十九

董貞女父儒林村居女許字李克顯之子需未婚鬻病沒女年十七哀痛情切憫媼姑無依遂詣李門恪循婦道閱五年以疾卒乾隆中旌

曹貞女為大文之助妻大文久客將謀歸娶其翁先延女至家以勞女入門孝養惟謹越二年得大文凶問矢志彌堅代供子為居三十餘年卒

王貞女父劬家韓巖女幼字同里張熠未婚而天氏年甫十五矢志守貞時父已卒請命於母母憐其志許之乃以禮歸於張事舅姑盡婦道撫訓嗣子正直成立同治中旌

山田通元卷一百一十二 卷之二 三

陳氏樊明月妻山賊掠境氏被擁馬上罵不絕口賊豨其色不忍加刃行至辨沱河賊備稍疏遂躍入水賊挽起露刀看

之罵益厲遂遇害

定襄下同

任氏胡月亮妻月亮遠出不返家貧翁不能養數令改適不從日以針黹自給遇歲凶翁潛受人聘將強嫁之鄰婦祕以告氏遂縊

高氏張廣學妻張遭惡疾家素貧謂氏曰身且殘廢汝宜自為謀氏曰烈女不關事二夫既而張自縊氏亦經於其側鄉人憐之為厚斂焉

郭氏薄受廣妻年十八適薄而歲夫亡觸棺長慟夜潛自縊

鄭氏吳子照妻年十六歸子照甫二年而孀或諷之嫁輒厲

聲曰吾守此身見夫地下禽獸之行斷不爲也拾地哀號越四月毀瘠而死

張氏蘭桂才妻夙嫻內則及適桂才克盡婦道夫沒誓以身殉家人懇勸自忖曰殉夫易守節難吾爲其易者必隨夫棺而葬遂痛誠自灼而絕鄉人賢之

王氏傅懷恭妻所居庫陋惡徒冀蘭芳窺其獨穿墻鼠伏櫃下氏聞有噓氣聲呼賊翁姑驚起奄入執之乃蘭芳哀求得釋後蘭芳以穢語號於衆欲汙氏名氏聞之捐膺曰天平辱人至於此乎遂引刀自殺時年十七

韓氏郭桂根妻年十八夫病沒乘家人倉皇營斂具潛入他室引刀自斷其喉死

王氏張泰元妻年二十一夫亡自縊死

梁氏張如泉妻如泉沒自縊以殉年二十一

楊氏智廷弼妻年十七歸廷弼未踰歲廷弼死氏亦自縊

楊氏齊紹漢妻年二十一夫亡自縊死

邢氏李汝香妻汝香卒氏不食死時年二十四

楊氏張萬富妻從夫儻居代州夫亡投井而死年二十二

王氏梁治平妻年十九夫沒繼姑令改適不從鄰媪交勸之
氏正色曰與其嫁不如死遂自縊

康氏張統妻年二十二而孀遺孤方周歲有以媒諷者輒厲
聲斥之越年餘孤免懷氏問家人兒能離乳否眾不解問意
咸曰離乳可活也氏含笑而退自縊死

張氏李二玉妻惡少朱三海強犯之自縊死

周氏齊兆麒妻兆麒病自計必死割帶瑛與作別曰我死汝

當嫁泣曰妾雖至愚獨不曉不二義耶君勿過慮若或不幸妾從逝矣兆麒卒氏把袂哀號不食旬日亦死袂猶在手掌不可開時年十八事閭旌其門曰斛律清風

王氏李慶宗妻年二十一夫沒水漿不入口者六日家人憐之以勺飲進卽唾出或有勸者泣曰吾夫與吾若比翼鳥連理枝也大呼一聲而氣絕

郭氏陳六計妻忻州人父春風武舉適六計閱七年六計沒氏亦自縊年二十四

張氏武生牛種福繼妻種福卒哀慟成疾執姑手日兒不違死爲事翁姑耳病至此不如速死遂絕飲食而亡年二十三
鄒氏王以謙妻夫亡氏年二十五無出仰藥死學使朱匾旌之

山陰縣志卷一百八十二 列女第二十一
栗氏班福康妻年二十四而寡舅姑迫嫁不從曰再醮愧吾
母遂縊死初母來臨塋喪聞迫女嫁不入門拍掌曰吾女死
矣其見信於母如此

梁氏張國璠妻國璠沒家奇貧氏並日一食怡如也父憐其
少且貧諷以他適不從竟受齊某聘將強遣嫁氏聞之曰以
父背夫不仁以夫怨父不義泣而呼天服毒死時年二十三
閻氏鍾某妻姑有穢行與所私者謀並汙之誘脅百端終不
從強之則奮罵語且侵姑姑怒縛而撻之復以鐵錐攪其下
體遂死父光明聞於官官柔懦置弗理後官因別案赴省出
城數里若有訴寃者從者但問官云爾鍾家婦耶吾知爾寃
矣歸當爲爾伸之既而卒於省氏寃遂沈

周氏王廣寶妻甫結縡廣寶從父外遊越數年以疾歸氏欲

禱願以身代及病革氏爲備衣衾訖以腹痛辭歸別室家人
隨報廣實氣絕氏厲聲曰夫君勿走吾追汝氣亦絕家人覓
其迹乃知廣實病劇時氏已服毒矣

王氏智爲貴妻爲貴經商沒於京師氏年二十許聞訃以頭
撞樁柱絕而復甦越年餘竟縊死

趙氏王經妻年二十二而媼知舅姑之必奪己志也葬有期
仰藥而死

劉氏徐丕章妻年十七生有子而丕章卒家貧親老氏惟以
紡績度日其後翁姑沒孤亦繼殤乃盡鬻其產以償債不足
復佐以女紅歷三年債畢償從容自縊

劉氏張漢清妻年三十嘗獨行惡少某犯以非禮氏義不受
辱自縊死

王氏喬培基妻夫疾革與之訣以死自誓及夫沒既敘氏卽從容理妝服壽死三日後顏色如生年二十四
于氏史六妻結綉八月而孀誓不他適後緣媒氏狂言遂自盡當事區獎之

余氏張際昌妻年二十三夫沒氏亦自縊

樊氏張誠意妻年十八夫亡哀毀特甚尋自縊

高氏呂永泉妻永泉卒遺孤甫晬欲以身殉舅姑以存孤爲言乃止越五年孤病殤痛哭不食七日死

辭樂下同

李氏郭占蛟妻舉人有光女年二十一而孀數日不食或指三歲女曰此若夫遺也忍令失所乎乃強起及夫服既除女以痘殤仍不食死

以上州

右遼沁平忻四州二百八人

山西通志卷一百八十二

列女錄二十二 錄三之廿二 山西通志第一百八十三

賜進士出身直隸廣平府邯鄲府邯鄲縣人 授刑部主事 歷任 御史 巡撫 山西 河南 等處 督學 張 鼎 舉

旨監修

貞烈

代州

保德州

解州

絳州

絳州

王氏蔡貴妻年十五歸貴肅雍和睦家無閒言越十年貴質

易遠方遘疾卒客邸訃聞氏矢殉時方娠家人慰止之已果

舉男甫彌月而貴柩至氏乘間自縊康熙中旌

代州下同

董氏楊殿妻殿他出氏爲強暴所迫罵不絕口被毆死事聞

被旌

李氏荆西道馮右京妾也其父某縣令以事被逮僞託爲婢

而鬻焉右京後廉得其情待之加厚右京卒氏哀毀矢不獨

生旣葬之三日自經死

孫氏馮偉妻年二十二夫亡無子將以死殉親黨以立後勸
遂忍痛擇嗣鞠之長爲娶婦曰今可以延馮氏一脈矣越月
嚴妝自縊年三十七教旌

溫氏柔銀妻有姿色強暴乘閒逼汗峻拒不從被毆死事聞
予旌

黃氏生員黃秉鎗妻年二十七夫病劇囑其改適氏哭曰脫
不諱惟相從地下耳及卒勺飲不入口者七日乘閒投繯柩
側

閻氏張廷瓚妻夫卒於買訃聞痛哭矢殉媻姑防之嚴乘閒
躍入井死

樊氏高文章妻本五臺人備賃趙村葦蘭家蘭豔氏色乘其
夫出樵潛往逼之氏力拒不從被勒死

馬氏郎起發妻因安明逼汙不從致死專白獲旌

王氏李小小妻夫貧以丐爲業有劉四滿者戲爲穢言詆氏有淫行夫疑之歸而責問氏大恚哭訴於從姑卽歸室投繯死乾隆中旌

郭氏王年妻生七歲父母鬻之諸生范巖家長贖歸以嫁年范之乳媪子也其後年比匪強氏以苟賤事不從抱子投井而死

楊氏王密妻密客死氏典衣迎喪歸語族人曰吾將與夫同日葬矣未幾果繼柩側

張氏李安國妻夫爲商死於外喪歸氏縊以殉雁平道湯區旌之且立百表其墓

高氏高文妻年二十餘文沒其家欲令改適氏度不能容遂

服毒焉或以解藥進卻之曰毒可解心不可解也竟死

李氏王懷會妻年十九而孀甘貧守節事姑極孝因歸甯父母迫令他適氏辭歸攀柩哭曰婦不能爲君事母矣遂自縊死

郭氏王體禮妻年二十三遭父喪日夜號泣不復盥沐有以改適諷者斥之尋吞鉛粉死

張氏馮寵繼妻寵卒悲泣不食乘閒縊於柩側嘉慶中旌陳氏舉人馮志潛妻結縉月餘志潛病革矢以身從及遭喪循晝哭之禮不爲過情哀痛外襲衰麻內衷華服家人察其異再四研詢乃曰吾與逝者約將同歸耳其姊志潛之從兄妻也聞而勸阻氏正色責之曰姊誠惑乃欲妹苟活以欺泉下人耶曰然則待父來一訣可乎曰女子從夫何須父命且

不貳所天卽以遵父訓也夜半自縊於柩側蓋志潛沒之次日也道光中旌

楊氏張葛富妻葛富沒其姊來視斂憫氏貧苦無依謂當改適氏聞怒曰姊乃以我爲非人乎何遽出是言也斂畢其夜密縫衣裙奮身投井死年二十二一時士大夫多爲詩文紀之咸豐中旌

李氏楊二紅妻父中農也二紅家赤貧僦屋以居夫婦操作度日二紅樵於山墜崖死停柩村祠中氏朝夕走哭一日祠門內鍵不啟村人訝之推闔入則縊死柩側矣年甫二十李氏貢生清珠女年十七歸張氏子克俊踰年克俊病沒氏一哭而止不食亦不言旣斂家人方營夕奠女伴邀與同宿堅不可微聞其在室發篋積簞簞有聲衆亦不介意及夜半

出奠拜跪畢歎不起方知其飲斃天明遂死啟其篋則殉葬衣物凡附身者無弗備也里黨相與嗟異

王氏李泰繼妻泰卒未斂自經以殉

張氏賈若誼妻生員獻廷女也若誼客死於外氏聞訃卽仰藥死同治中與李氏諸人並旌

王氏李枝開妻生有子而枝開出外十餘年不反舅姑衰老衣食悉取給於十指未幾舅姑繼逝貨其居營葬家益窘會育傳枝開備食塞外者子漸長矣乃遣之隨客往尋久之得枝開死狀而子去無耗母家欲奪其志誓納富室聘迎有期以告氏大痛卽夕雉經死

喬氏李鳳山妻年二十二鳳山沒哀痛不食踰三日葬夫畢仰藥死光緒中旌

胡氏諸生趙謙妻歸謙二年而孀欲以身殉舅姑止之爲立嗣令之育及嗣子長將授室喟然曰吾忍死數年徒以親老孤未立耳今有新婦事姑吾事畢矣婚之次日仰藥死

陳氏王燿妻州民陳紹女也年十八歸燿居五年燿卒哀痛不食七日死

劉氏韓樹功妻從九品致和女也幼嫻婦儀事姑得歡心樹功病瘵卒矢以身殉斂之日乘閒飲醜家人百方解救既甦大痛泣曰姑誠愛我第新婦與亡人有約未可倍也與之食堅不進竟餓而死年二十一去樹功卒八日也

郭氏陝人貢生趙斌納爲妾性淑婉事嫡甚謹趙疾氏旦夕顧禱寢食俱廢及居喪悲泣三日飲醜死獲旌

劉烈女州民繼武女也字金氏子未嫁會父母他出惡少趙

廷喜乘間適汙女忿批其頰大呼罵廷喜怒扼其吭立斃死
猶手握中衣不可解乾隆中旌

崔烈女小字仙桃父國全早逝女年十七依母李氏鄰有安
普娃者伺其母他出穢語挑之女呼晉普娃避去母歸女哭
訴其事旋服毒卒官爲之請旌而抵普娃於法

周烈女翠雲武舉桂曾孫女也許字黃嵩未嫁而嵩役女欲
往弔不果遂服鉛粉父母延醫解之女曰無以醫爲但求死
爲黃氏鬼而已及卒言於黃合葬焉

張烈女年十八未嫁值母外出有鄰人假求火欲犯以非禮
女呼晉乃逸去母歸以狀告母曰汝既清潔明日理於官未
晚也女憤不欲生自縊而卒

楊氏吏部郎中王維妻明末寇變舉家避地中遂與維相失

度不免遂自殺後以雜貴贈淑人

五臺下同

安氏王則堯妻則堯以家貧傭工他縣氏採田蕪於野族人王伏高則堯父行也遇之田間詭云借鍼逮持氏手求歡氏大罵歸而訴諸縣卽引刃自刎遇救抵家自經死縣爲請旌而置伏高於法

沈氏羅清妻年二十餘清病劇令其別適泣曰妾事君有年尙不諒耶君死請從之清卒斂畢投緘柩側死

任氏適夏縣柴雲龍寄居於縣雲龍商於外被劫身死訃聞氏痛哭不食自經以殉

智氏李亮妻年十七饑於田村有無賴子張根隆者潛尾其後乘隙犯之氏力拒得脫憤而自經

齊氏楊卓義妻年十八同里崔七豔其姿調之不從遂致自

盡崔亦畏罪死乾隆中旌

樊氏高金成妻寓居代州金成傭工於州中弓氏弓氏子窺

氏獨居就挑之力拒不從旋引嫌自盡事發旌如例

案與州志樊烈

婦當是一事而夫名及居
停死狀又皆互異並存之

王氏杜青雲妻青雲佃田臺山喇嘛典器某乘閒迫汗力拒

不從自經死

朱氏夫王某失其名無賴朱眷旺與其姑適以氏年少欲並

汗之一日乘閒強迫婦力拒眷旺怒殺之而逃後行竊於鄰

縣刑訊並發其事旌如例

李氏岳應星妻應星外出土豪段某夜半奪門將強犯之氏

持刀自刺面目段不敢近遁去乃聲知四鄰自縊事聞論段

如律氏予旌

劉氏周某妻村民懷德女也嘗策蹇偕其夫自母家歸夫行
偶後途遇惡少推墮於地將強劫焉夫至得免抵家忿而自
經聞於官獲旌置惡少於法

甯氏李芝妻芝遊蕩無度以氏有姿誘令倚門以自贖氏不
從則威脅之陵辱萬端一日給令歸甯行至僻所劫以死必
得一諾爲信氏堅拒如初芝舉石狙擊破腦死案發得減死
後遇赦還甯抵家自言氏索命病狂數日隨斃

張氏王九章妻嘗夫婦俱染疫九章死氏昏臥弗省葬之前
日其母來見氏少瘥告以故氏大痛卽夕乘閒自縊親黨感
其志立具棺斂與九章合葬焉

王氏諸生趙守寬繼妻識字解算年十八適趙年餘趙病革
以前室子女爲託氏飲痛任之及婚嫁旣畢子遊疾氏知不

救謂家人曰吾所以鬱鬱久居世者爲此子耳今病勢如此
不忍親見其死遂自縊

張氏楊文官妻結縞甫七旬文官病沒氏絕粒六日姑力勸
勉爲加餐而篋中物輒取以分贈家人姑知其意防之愈密
父映理故城居乃託以歸省竟飲鴆卒年甫十七

孟氏武達文妻達文沒遺孤彰善未免懷氏乳哺畢卽付翁
姑提攜終日不問所之漸並乳哺亦疏乃從容自經死蓋死
志久定而慮呱呱者驟失所依貽堂上感也親黨咸嗟歎不
置云

郝氏鄭王佐妻歸王佐未期而寡爲夫治喪具甚備葬之前
夕自縊於柩前

邢氏村民邢敬女也十歲時出爲朱某養媳長而秀美姑利

之誘令倚門氏不從加以箠楚至翦其股肉血流淋漓而自
守益堅乃陰與所約者謀將強劫氏知不免飲毒死時年二
十二

王烈女父二有村居女小字老忙有姿色同里陳氏子素佻
達伺間調之誣以穢行女大恚旋自盡事白獲旌

三貞女者劉氏邢氏不詳家世其一李氏迎翠東社村民天
成女與劉邢戚也年十三偕二女遊梨園驟爲惡少王昌身
所迫相繼投崖劉女立死迎翠及邢女負重傷悶絕旣而皆
蘇聞於官官適有他案待檢覈者如堵乃密諭天成令負女
陰察之衆中果得昌身一訊而服案定劉女子旌二女並嘉
獎給銀牌迎翠後歸馬鍾英年二十六病卒

封氏張允中繼妻允中官吏部邁疾篤氏憂慘時形允中會

其意囑曰慎勿以二樞苦累長途氏然之及允中卒扶柩歸

抵里卽自縊

碑縣下同

陳氏樊月妻家宏道鎮順治乙未爲土寇所執挾置馬上行至潯沱氏躍身入水賊援起復挾之履巉巖絕頂將逼汙氏厲聲奮罵賊怒立刺死歷兩月其夫尋尸負歸面如生

李氏韓復章妻年二十二而孀矢志守貞母家強嫁之以婚冀某旣成約氏始知卽夕投井死康熙中旌

楊氏諸生李玚妻舉人麟定女也玚病劇泣與之訣時方娠約免身後相從地下及子復振生旣彌月慨然曰吾與逝者有約不能待此子之長也乘閒縊於柩側年二十三

楊氏郝珠繼妻年十七歸珠末期而寡前室子鳴玉方四齡矢志殉之父以年少屢逼令他適氏峻拒至絕歸省鳴玉旣

成童就傅突來媒妁勸嫁甚殷叱去復來乃嘆曰父之不我諒至是哉然不死者爲立孤耳今子長能讀書矣吾復何憾遂自縊

蘭氏艾采銀妻一日采銀外出同院樊氏子瞰其獨強犯之氏力爭絕裾隨取菜刀擲之不中樊驚逸采銀歸泣以告忿不能釋卽夕自縊死有司捕樊置諸法氏旌如例

李氏李冬蘭妻嘗歸省母村惡少李小太乘閒挑之氏呼救於鄰小太逸去旋服鉛粉死時年二十一乾隆中旌

亢氏甯二貞妻夫亡矢節率子來生以農爲業值秋稔方刈禾村人姚滿重見其獨遽前調謔氏怒罵奔歸羞忿自縊嘉慶中旌

續氏蘇全春妻家貧鍼帶以奉孀姑有孝稱姑沒夫相繼逝

氏年三十二無子鄉俗凡死而無配者不入祖塋將葬夫族人議窆於荒郊氏泣曰是料我必再醮耳遂自經柩側

弓氏張素子妻嘗詣母家路經桑園無賴張某自園中突出曳裾挑之氏絕裾奔歸哭告於夫卽服毒死嘉慶中旌

李氏趙有德妻年二十三夫亡無子自經以殉族人哀之爲立嗣奉其祀

蔚氏李懷唐妻年十九懷唐病篤詢所志氏不言含泣相向而已及懷唐沒卽日投繯死

張氏聶保泰妻甫結縭而保泰攫痼疾氏奉侍惟謹及卒自縊以殉年甫十九

李氏郝際昌妻年二十二夫故俯仰無依自經死

馮氏郭積喜妻甫嫁而婦郭有幼弟給之曰吾家貧無以葬

汝夫喪具專恃汝身以辦耳氏聞以為必逼嫁遂自縊年十八戚黨爲匿旌其廬

趙氏李清知妻年二十七而寡家貧無子姑衰老動作需人氏竭力侍養歷十餘年無倦志姑沒葬畢遂自縊鄉人爲立石表之

弓氏張克信妻年二十四克信卒痛哭不食謂家人吾上無翁姑下無子女安用此未亡人越日飲斃死

武氏常元龍妻年二十三而孀遺腹生子矢志鞠育家人利其婢潛許某姓彩輿臨門氏始知大慟拔釵自刺死

宋氏張丕榮妻年十九喪夫矢節二十餘年未嘗輕出戶庭有以中薄之言誣之者氏微聞大悲遂自經道光中旌

賈氏樊清吉妻年二十守節歷數年有逼令他適者忿極服

毒死

杜氏樊成烈妻夫沒守志撫孤雇工王玉玉除穢庭院窺氏獨處掩入犯之氏號救玉逸去氏忿甚以刀刺喉死道光中旌

張氏朱元貞妻元貞以事他出族人窺螺託故至其家挑之氏厲聲呼詈窺螺懼扼氏吭死咸豐中旌

李氏甯房房妻村人雷根其者至其家買穀覘無人言挑之氏奮罵根其逸出氏旋服毒死年二十六事聞給旌

劉氏王振甲妻母家貧爲人佃傭氏年十五嘗歸省母爲代監果園王長申者覓而挑之氏怒罵且走長申露刀迫脅氏度不免投崖死事發官檢驗長申雜稠人中竊探之忽有指之者曰挑劉氏者卽此人也一訊伏辜氏旌如例

徐氏梁瑜妻年二十二瑜沒於都門輿榷歸氏朝夕哭泣葬畢遂投繯死同治中旌

田氏劉大德妻年十八夫亡自縊以殉里人豎碑表之

馮氏郭甲綬妻甲綬沒即日自經死年二十五

賀烈女郝琪聘妻年及笄將嫁琪墜崖死女聞訃單車過門易縞臨喪哭盡哀其侍婢安氏女欣然從之琪既葬女曰我事已可夜與婢櫛沐整飾女左婢右相望雉經雍正中旌

楊烈女楊照林妹也年十四惡少閻正英伺其母他出突入室欲強汙之女大聲呼母聞懼扼女吭死乾隆中旌

李烈女聚聚李大德女也許字賈氏子未婚而婿亡在室守貞誓不他適佃奴王所貴乘大德夫婦外出踰垣達女所強犯之女奮罵所貴移以刃罵益厲遂遇害所貴自知不免亦

引刀自刺死

莊烈女順姓年笄未字惡少張振林以言挑之女義不受辱羞忿自縊

孟烈女秀秀年十六遇同族惡少某於門外遽前挑戲女力拒脫歸遂自經乾隆中與李莊二女並旌如例

張烈女父作虎居宏道鎮家貧女偕幼弟赴野挑菜惡少張臭小欺其幼弱遽前逼汗弟驚走女抗聲奮詈惡少怒抽刀刺其喉而逸女負痛歸告母曰兒冤沈九泉但望青天爲洩此憤耳語畢即死時年十四事聞予旌

陳烈女鳳鳳年十六未字北鄰武詳乘間強犯之女力拒得免忿極自盡道光中旌

續烈女紅梅村民硯田女也幼字定襄于氏子攀賢未婚而

舉賢病沒計聞女欲奔喪父母許之既至拜舅姑畢卽易縗
素赴柩前痛哭欲絕葬有期自縊以殉同治中旌

申烈女存蠟巾六法女偶至村外族人遇魁見之欲肆強暴
女怒罵力拒得脫歸而自縊時年十六事聞給旌

張烈女王俊聘妻也未娶俊暴卒女年十九聞之泣涕不食
母婉慰之俊葬有期女哀母偕往一臨其喪母弗許遂乘隙
服毒死乃告諸王迎女恹而合窆焉

狄貞女幼字張夢麟將嫁而夢麟卒女欲奔喪守志父母善
之通其意於張張喜卜吉迎歸登堂拜舅姑畢易麻衰行未
亡人禮事舅姑尤孝謹縣令張奇其節謀於族衆嗣以二子
康熙中旌

張貞女父三槐家原平女幼字鄰村蘭儲未婚儲溺河死女

年十六泣請父母攜往奔喪遂留事舅姑不反卽柩前加髻成禮焉縞素終喪取從子淑瀚爲嗣撫之成立年七十八卒
嘉慶中旌

宋氏李舉子妻舉子外傭夜未歸氏虛局以待村人某窺知啟扉入強逼之氏驚覺喊拒其人奔逸舉子歸以告忿泣終夜投纒死繁時下同

郭氏張福永妻年二十而寡守志三年矣一日偶歸母家值母攜弟外出止幼妹在室氏如廁鄰某瞰知闖入氏奮罵某逸去午後母歸氏以情告哭不止其夜自經

任氏張宣妻驟爲無賴子所迫汗以穢語大忿投井死乾隆中與宋郝並被旌

王氏韓繼盛妻夫以溺死氏朝夕痛哭乘間經於柩側

韓氏趙天寶妻年二十夫亡家貧無依營葬既畢哭泣數日
自經死

張氏諸生韓月明妻夫亡家赤貧藉草而臥自矢靡他聞舅
姑將奪其志遂自盡縣令李表爲完節祭其墓

常氏郭際盛妻賈生兒龍女也際盛遭疾卒氏哀痛絕粒斂
畢飲醑以殉年二十一同治中旌

張氏江亮妻亮沒舅姑憐其少欲嫁之母家復懇力奪其
志氏度不能守遂自經年二十去亮死年餘也

李氏賀聖齡妻年十九而孀無子矢志不渝父母迫令改適
雖經而亡以上代州

李氏夫某後其姓名死於兵收者將至氏提刀俟於門將行
刺比至知不諧遂自刎死保德州下同

馬氏張文蔚妻年二十七夫亡視斂畢服毒死知州蘇東柱以詩弔之

汪氏盧鳳道王樵妾樵卒自盡以殉

徐氏廩生趙青槐妻夫死殉節鄉人稱其烈又歛縣知縣張全棻妾陳氏孝廉方正康附庸妾范氏並以殉節聞

楊氏許來祿妻于歸後翁姑繼逝佐夫治生操作勤苦年二十餘不肯撫妯家子爲嗣未幾夫亡營葬畢遣妯子歸閉門

自縊死

河陰下野

趙氏許殿魁妻幼孤童養於許成婚十年而婦無子翁姑憐之將令改適氏窺知投水缸溺死

郭氏張遵先妻遵先商於外甫歸以暴疾卒無子氏痛泣幾絕闔七日飲醖死同治中與趙並旌

以上保德州

邱氏諸生柳星妻妻逆之變賊入其室索金帛夫婦並受拷

掠氏給賊釋夫攜幼女投井死

解州下同

王氏呂帝簡妻夫沒白盡以殉

張氏知縣李應高妾知書法通孝經內則諸書荒年自鬻以活父母遂歸應高及應高卒不食亦不言葬之前期自經死

州守萬象圖旌其烈

李氏介燕慄妻舉人雲棟姊適燕慄生一女而寡飲泣撫之不出閨門者十餘年及女嫁密縫衣裙懷石投井死道光中旌

姚氏耿文學妻年二十一而寡矢志靡他越數年值大祲有以改適勸者氏不從姑欲強之遂投井死

侯氏武進士曲春泰繼妻春泰官湖廣督標都司咸豐二年

髮逆陷武昌殉難氏託夫尸於其兄曰死稍緩必遭賊辱急
自縊同治中旌

曹氏諸生李肇元妻明都憲于汴次女也孝謹淑慎巳丑之
變遇寇投井死又歲貢劉愈洸妻路氏諸生席于陸妻胡氏
郭懷妻周氏張君惠妻胡氏子其謨妻李氏其策妻趙氏寇
警懼辱得投井死安邑下同

申氏舉人路光奎母也與諸生劉際啤妻路氏丁養珍妻孫
氏張君綸妻郭氏孀居守志俱死寇難

王氏李禧允妻被賊掠不屈躍入溝中死又張鳳鳴妻馬氏
罵賊被殺

續氏諸生周光祚妻賊豔其色迫之去時幼子在抱善言誘
賊授夫令竄既違乃挺身罵賊怒殺之

邢氏諸生張我聲妻妾逆之變運城被陷投井死

景氏馬騏妻年十八騏沒自縊以救免既殯不食七日死

汪氏諸生呂嘉穎妻鹽運分司汪燦女也嘉穎省親京邸踰歲客死訃聞氏擗踊悲號屢尋死得救免一夕防護稍疏服毒卒乾隆中旌

侯氏署盩厔縣丞劉濯祖母也與濯叔母郭氏女桂姐同居濯任回逆之變濯迎戰陣亡柩未及歸因留居盩厔未幾髮逆陷城罵賊不屈同遇害同治中旌

邢烈女邢繼祖女也許字王偏未合卺會上元節舉家出遊女獨留刺繡有王方者踰牆挑之女且泣且罵方脅以刃罵益厲方怒刺殺之

劉貞女董釜聘妻也未嫁釜沒女年十七聞訃欲奔喪父母

許之以素服入哭旋易衰麻爲孝婦飾觀者悽然縣令欲旌以匾固辭弗受居十年病卒

張貞女父煒諸生女許字劉氏子肅誥未嫁而婿亡女請奔喪父母欲別字不許女引刃自誓以死力爭乃允其請歸劉後敬謹事姑擇昆季子撫之鬻簪珥勤紡織以佐讀卒令成立

董氏諸生馮景運妻姜逆之變攜子女避亂尉郭堡堡破氏乘子女赴井死

夏縣下同

張氏周廷旦妻爲寇所掠奪其襪襪兒氏仆地不起厲聲曰甯死必不爲爾辱賊斫其頭顱血噴交流而死

張氏諸生鄭玘妻姑久病臥不安席氏以雙股疔之壅腫弗恤後遇亂同室女生姐俱自縊

續氏諸生許紀妻寇變爲賊所掠矢死不從行至西郊乘閒
投井死年三十二

盧氏晉思忠妻年二十二而孀守節事姑一日姑攜孫外出
氏獨居機杼族人晉文忠乘隙入犯氏抵死力拒振其襟裾
疾呼鄰里文忠懼取機旁鐵椎擊殺之事聞給旌

房氏蘭國秀妻國秀業農地與崔進姓鄰秋杪國秀薙豆進
姓耕氏亦以助夫至進姓時往來絮語旋卽驅牛返匿溝下
伺國秀負擔歸進姓奔至欲犯以非禮氏忿批其頰大罵進
姓以上塞其口扼吭死之康熙中旌

傅氏賈疋妻疋卒無子誓同死家人防之氏曰非其時也何
防焉越月殯夫訖出遺賫衣飾畀夫弟且語母氏曰我死愼
無啟毀焉得聞遂自經

韓氏諸生馬淑授妻年十九夫亡無子痛姑孤苦無依誓守
不去姑沒鬻產營葬家計益窘歲祿人咸逃竄就食氏獨忍
餓而死

張氏王維翰妻鄰惡少乘醉挑之氏義不受辱自縊死乾隆
中旌

王氏黃學聖妻歸黃未一年而孀父母憐其少將嫁之氏聞
自縊

白氏楊友沫妻年十八沫卒於外遺孤甫晬苦守三年服除
不食死

杜氏王殿瑞妻年二十二夫沒誓以死殉念姑老忍痛事之
越三年姑卒卽絕飲食死

張氏朱秉鈞妻年二十三夫亡無子女屢欲殉節以親老無

依不忍捐棄及舅姑沒斂畢慨然曰吾事畢矣遂自盡

尉氏武舉孫坤元妻年二十七隨坤元赴任破虎口坤元沒氏扶柩歸葬畢遂自盡

王氏陳元策妻年二十夫亡無子家頗裕翁姑虛其獨處令姑姊相伴並爲立嗣氏乘閒自縊

景氏諸生張五雲妻年二十七而孀事翁姑不懈守節閱十二年連撫兩姪皆天痛夫祀之遂斬也絕粒死

柴氏郭遺緒妻年十九夫故子女俱無貞靜自守遇歲凶親眷周之不受自縊而死

開貞女父秉隨貢生女許字李鑄鑄沒女方臥病聞訃力疾臨喪守貞以終常道匾旌之

賈貞女賈克純女幼字裴永清未婚永清沒女年十九聞訃

欲奔喪父母不可女哀請不已乃與偕往易素服哭臨喪次告父母曰二老歸兒不返矣遂拜翁姑矢以靡他奉養極孝撫周晬姪爲子愛如己出躬勤紡織五十餘年不出戶庭閭里咸欽之

張氏鄧進龍妻歸進龍值姜瓖之亂氏倉卒隨衆走避自度不免行至絕崖深百尺下臨大河泣曰吾得死所矣危坐不行衆挽之去不聽俄而寇至見新婦爭趨之氏投身崖下死

平陸下同

全氏陳惟謙妻寇至避居張村堡堡破敵掠氏抱幼子玉平投深谷中死三日收斂面色如生兒竟無恙

令狐氏吳發隆妻發隆役於官家計蕩然氏美而賢食貧作苦晏如也發隆以役赴省南畝就蕪氏往視之道經元帝廟

遇惡少挽入道汗不從被勒死

趙氏諸生荆捷然妻年二十五夫亡託孤翁姑投繯而死
王氏李煥妻煥卒遺女二氏慟失所天隨自縊二女亦繼縊
張氏譚三甲妻早著賢聲康熙中值歲荒疫夫及舅姑俱亡
氏子女俱無矢志靡他其父吝於孫寄書令改適氏見書涕
泣五日夜仰藥死時年二十七鄉人立石表之

烈婦某氏失其姓趙某妻也本洛陽人幼值歲荒轉鬻至縣
之西滑村趙之父見而收之喜其溫順定婚次子而童養焉
既合衾伉儷甚篤甫三年而趙病不起矢以身殉及卒哀痛
求死屢爲家人所持比葬乘閒墜崖卽時隕命遂同窆焉
趙氏王清溪妻年十八歸王甫經旬而王病沒自盡以殉親
黨爲刊石紀其烈

何氏張益高妻年二十二而孀子女俱無矢守不渝越二年
父母欲奪其志自縊死

王氏張西平妻歸西平生有子四歲而殤西平亦臥病不起
泣與之訣曰子在汝當守今既無子可他適也氏悲不自勝
誓以死從及西平卒遂自縊

劉氏馬登高妻事翁姑以孝稱登高沒無子以死殉之時年
十九

楊烈女生有殊姿父凌寬業農夫婦偕往田間女獨居室惡
少伺之踰牆下通女畜罵不屈惡少以弓絃勒死

何烈女孝娥父守臣農也有五女娥最幼姿色殊異守臣欲
婚士人選擇愆期守臣沒依母母病朝夕侍奉甚至及卒號
痛欲絕或慰之娥曰二親繼沒四姊適人一兄菽麥不分我

命不猶又將焉往葬母畢諸姊欲挽與俱去娥逸出緘母墓
桑下

上貞女曹良舟聘妻也未嫁良舟卒家赤貧母衰老且病女
奔喪易妝號慟欲絕或慰之泣然曰郎君已逝病姑誰憐送
乞食奉養備嘗艱苦及姑沒哀求鄰里爲備衣棺守墓百日
尋卒縣令梁爲勒石表之

王氏虞生薛佩蘭妻佩蘭以痛父死氏拊棺哀慟誓與俱死

遂自縊

芮城
下同

王氏巡檢董其宇妻夫亡子幼守節二十餘年值妾環之亂
自刎死當事嘉之勒石表其墓

韓氏張茂遠妻結縵未久遇變投井死越八日始得其尸而
如生茂遠感其貞痛悼成疾卒

張氏名佛兒王之與妻爲賊所掠驅之行經井旁躍入死
王氏孫萬正妻有女及笄寇至恐被汙先推女入井已乃從
之又王希望妻趙氏蕭禹妻李氏董建都妻楊氏寇迫胥不
辱投井死

董氏薛珍妾珍爲諸生好華侈家中落怏怏而沒氏矢殉不
食死

趙氏張元吉妻元吉早世氏決志從死親黨勸之不聽趙旬
自縊又生員王汝器妻張氏呂林鐘妻趙氏胥以殉夫死

楊氏諸生崔齊崑妻夫沒投繯喪次家人解救起坐如常次
日卒自縊先是氏處室時鄰婦有再醮者見之曰婦可更嫁
乎拂衷而返

郭氏劉鵬會妻夫死遺女二母家以其貧苦無依勸改適氏

正色峻拒而母家已陰受人聘既成約氏始知託以當改返

閩戶自縊

楊氏劉藻妻年二十七而孀撫姪爲子守節踰廿年矣值歲大祲姪逃外氏自傷無依絕食死

姚烈女玉鏡縣民姚鳳翀次女己丑之變女偕母妹走避南坡下中途賊突至女密囑母曰我已矣母攜妹東奔當得脫母從之去既遠女以石自擊其額伏地大罵冒白刃而死

張貞女父樹燧以州同注選女許字荆氏子未嫁而壻亡誓不他適冰玉矢志年二十九卒同治中旌

以上解州

傅氏王槐三妻姜逆之亂爲賊所執給之曰有金瘞汾漏借往取之賊信且喜既至則一躍而入賊相視愕然

絳州下同

某氏被賊執上馬夫躡其後氏恐爲賊殺抗詞訣別經道傍

井奮身投入同時有一婦死穉林中數日得其尸見一犬守其旁又一婦強項不屈扶不上馬見殺惜姓氏俱逸

張氏徵士卒全妻己丑之變與李俊機妻馬氏陳憲妻聶氏陶克相妻孫氏俱被執胥罵賊不屈死

王氏吉永泰妻明末永泰爲賊所戕同妾陳氏守制三年誓不再醮母家適之遂同日自經

王氏馬應龍妻應龍將賈於外念氏孤處招鄰婦李氏就舍並令李父爲之應門李父有戚衛延者時往來明年李父他往李亦偶歸其夜衛延突入逼氏氏大聲峻拒延懼手扼氏吭而死康熙中旌

杜氏劉士元妻士元貧且病氏竭力侍奉數年比卒晝夜哀號越數日整衣投繯死

梁氏王永康妻子女無出年二十五夫亡氏先葬期五日自縊以殉

楊氏席宗文妻宗文遠奔父喪氏與姑偕處姑命浣衣水邊有狂徒裸身入水侮之氏奔愬其姑遂投縊死

段氏李三娃妻家貧夫傭賃吉輝謙家輝謙豔氏容令其夫宿牛舍飼牛潛往挑之氏不從喊聲徹鄰輝謙逸泣訴於夫遂投井死州守訊得實置輝謙法氏題旌

張氏郝付華妻夫亡哀痛不食旋自縊

王氏許昌業妻年十八夫病危氏曰吾當與君偕行也夫卒自縊柩側

秦氏趙鳴岡妻寇變投井死

楊氏張三娃妻歸張逾年夫沒投井以殉

舊氏張林鳳妻年二十四林鳳卒斂甫畢乘間投井死知州
戈區旌之

衛氏薛紐紐妻夫沒三日旣斂飲毒自盡

仇氏王合娃妻丁卯之變避難村外遇賊劫以行氏臥地罵
強置馬上放墜如是者三賊脅以刃氏曰不殺我非夫也遂
遇害又有李銀妻亦以不受賊辱爲所殺

呂氏南春春妻爲捻逆所掠給之曰吾素食鴉煙能食我任
所欲賊與之急吞以死賊棄置門外夫歸尋至於積尸中得
之面色如生所居澤掌村焚掠最慘同時秦鳳舞妻王氏賊
至避村外蘆灘爲賊所遇挾之上馬力拒不從身被數傷撲
水死其懼辱自盡及被執不屈死者有王魁元祖母薛氏成
毛娃母聶氏張林喜母鄧氏張欽訓母李氏妻家氏衛全全

母權氏衛恒積母王氏高舒縉庶母朱氏高丑丑母薛氏高
可大妻李氏衛繼康叔母席氏董友善妻程氏聶穩心妻文
氏段啟發妻薛氏呂音逢妻衛氏呂作義妻趙氏賀徧徧妻
呂氏賈龍娃妻家氏衛慈慈妻呂氏聶連妻毛氏呂鳳嘴妻
張氏並以烈旌

其他村殉難烈婦被旌者有彭明德妻張氏彭永樹妻蘭氏
李春茂妻張氏李春芳妻張氏張自選妻南氏張小鼠妻南
氏張鳴鑿妻朱氏張松茂妾白氏劉聯科妻許氏程必揚妻
楊氏薛道隆妻張氏文繡妻魯氏柳王姓妻閻氏張得福妻
蘭氏王立名妻張氏南滿朝妻姚氏李五娃妻文氏周富貴
妻姜氏張維南妻姜氏席天玉妻趙氏李述程妻胡氏萬子
謙妾李氏張兆明妻葛氏程克定妻南氏俱投井死劉清澗

妻張氏楊集鵬妻徐氏王錫福妻張氏常登龍妻李氏俱赴
水死閻學會妻丁氏自經死蘭聯甲妻張氏溺水缸死

其以女子遇變投井死者有劉明遠女某姐南小黑女扯兒
英長遠女蘭兒蘇林景女卷娃曹徙成女某姐曹徙武女某
姐張引兒女海親張召娃女近兒而張白遇女一親張小鼠
女張姐張鳴鑿女麥女及薛道隆女文繡女俱從其母死其
澤掌村死者則有高步蟾妹秀秀聶穩心妹香香聶連女英
英呂和尚妹奴奴聶穆娃女女枝段愁子妹翠翠馮長庚女
引引衛月德女尖尖呂音正女香香呂樹基女沙沙衛成成
女新兒並以烈旌

王氏馮養宅妻姜逆之變村被掠氏潛匿空室賊入牽之氏
曰毋牽我自行抱于出門從容入井死

聞喜
下同

孫氏楊玉泰妻字花鈴歸玉泰未久遇變知縣孫芝華降賊引兵屠村堡遇氏執以上馬跳躍不從且哭且罵兵以亂刃砍之至死罵不輟聲

賈氏趙維祥妻孫氏杜正根妻吉氏王嘉言妻夫並諸生寇變被執不屈俱投井死

李氏郭洪春妻洪春賈於外氏與姑處室惡少李長青持鎌出刈草見其姑往鄰所乃詭詞乞火入遞氏氏忿詈執之呼鄰里長青以鎌擊其手氏堅持不釋聲益疾長青懼遂斫死姑返見婦被殺鄰里胥驚視得鎌於地驗之知爲長青物父奇生縛送有司俯首伏罪雍正中旌

賈氏諸生任鼎繼妻鼎卒痛哭矢殉家人伺之嚴乃佯飾哀起治喪事防稍懈夜半潛自縊去夫沒僅七日上下裳服縫

紉周布又張鵬程妻馬氏年二十一夫亡數日不食亦投繯
柩側

方氏薛甯妻家貧夫傭工度日氏以女紅佐之夫沒遺一女
期年寤愈甚抱女投井死里人哀之爲醵金台窆焉

賈氏諸生謝懋德妻夫病焚香禱天請以身代病革氏先縊
以殉

常氏趙開偉妻爲鄰人曾柳元戲謔含忿自縊乾隆中旌
馬氏張鵬程妻年二十一鵬程卒數日不食自縊柩側

解氏任聖綸妻年二十四而寡翁姑先亡子女無出寒餓自
恐父母喪畢遂自縊

張氏楊辛丑妻辛丑病篤以家貧無子女令改適氏泣下哽
咽不能言及沒翁姑相繼逝父母將奪其操乘夜自縊柩側

年甫十八

楊氏張效珂妻效珂病沒父母憐其少議改嫁氏聞痛哭自縊

朱氏監生王正笏妾順天人爲贖父罪鬻身甫三年正笏卒年十九無子時正笏父母早亡祖母楊孀年善病氏與主母晨昏奉侍歷饑凍勞苦二十餘年冰操自勵楊壽終喪葬既畢自經死

黃氏王效禹妻年二十六而孀苦志守節家人屢欲奪之號泣不從後以情見勢迫閉戶自經陽城衛昌續爲之傳

段氏牛天奎妻無子撫他人女爲女奎病甚以死要氏曰死勿守也氏對曰此妾志耳何要爲及奎沒氏具舍斂畢呼曰請君少待十日卽隨君泉下矣於是女還其父母服砒而

臥越數日復蘇又服綠礬乃絕時年三十四

張氏王崇德母孀居鄰有常某以細故角口誣氏以穢行氏忿而投井以死明志事白被旌常論如律

田氏陳嘉諺妻夫沒以死自誓家人防之嚴乃偽節哀治殯斂事後數日見其整衣理笄帛繫腰側救之已死

陳氏王國彥妻國彥父前以冤死而國彥方幼不知也氏有所聞于歸後具告之力勸爲翁鳴冤竟得白後數年國彥病瘵死旣殯自縊以殉而色如生

崔氏楊體震妻幼讀書略上口後適體震六年而孀矢志殉夫家人以親老子幼勸氏勉爲撫養後子以痘殤復萌死志家人羣防之卒乘間自縊

李氏仇鸞鳴妻幼聰敏知書年未及笄惓女箴于歸後孝

養翁姑無失禮未幾夫沒衣衾舍斂皆手自整理旋自縊
側年二十二

郭氏李三才妻家極貧丁丑大祿夫以餓斃時氏在母家聞
之急歸撫尸一痛而絕

趙氏崔鵬翔妻夫沒即日自盡以殉年二十六

甯氏楊其梓妻夫沒時子未周晬欲自盡以殉念遺孩失養
乃強延殘息服闋子甫免懷終投繯死鄉人爲立碑表焉

張氏趙子孝妻丁丑大祿鬻其衣裙首飾資夫遠逃餬口乃
從容閉戶自縊

王氏楊鍾泰繼妻鍾泰卒矢以身殉家人環守之閱五日守
者懈卒服毒死

楊氏王銘妻刑部員外郎深秀從姊也年十九銘沒屢欲身

殉家嚴防不得閒晝夜涕泣淚盡見血居月餘竟以絕粒死
安氏廩生王運昌繼妻妙通翰墨閒靜寡言運昌卒撫遺女
居母家兄弟勸之嫁氏怒其聒赴水死

董氏趙培岡妻夫沒月餘投水喪死

胡氏陳利兒妻事翁姑得歡心夫沒將葬使人語營壙者曰
墓內須容兩棺乃可人不解至次日乃仰藥自盡時年三十
一
王氏諸生正龍女年十八適夏縣陳元策孝事翁姑恪守婦
道元策病卒氏同日自經死

李烈女銀鈴李貴美之女被亂兵執驅之前行銀鈴顛仆於
地厲罵求速死兵遂殺之

郭烈女父從禮村居幼許字楊氏子後楊子遠遊溺水死訃

至女將奔喪父不許復欲別字女知之自縊死

張烈女張漢英女髫年端淑惡少楊虎娃窺其父母他出入遁之甯死不辱虎娃遂手刃之時年十四雍正中旌

張烈女監生陳善聘妻趙烈女善之婢也善初娶王氏沒遺子甫四齡趙爲撫之既趙以中饋不可無主勸善再娶善乃聘張女未及娶善遇疫卒計至張張父青雲以女當別字人矣女侃然曰兒已字陳豈有別字者乎方言時淚隨聲墜父母知不可奪許奔喪至哭盡哀卽不欲生趙勸以撫孤且曰奴當佐院君也意乃解明年孤復殤於是二女哭數日同縊於善牀側張年十九趙年十五趙本絳州農家女以歲歉鬻於陳爲婢實待年妾也縣令蘊秀以雙烈旌其門

王貞女任振殿聘妻也未嫁夫死聞訃奔喪送匱至墓臨穴

欲殉繼見扶杖龍鍾者垂涕而立慨然曰翁姑也我死老人
失所矣由是以養親自任卒年五十餘未嘗下堂階也

溫貞女幼字翟氏子未嫁而程子病沒女痛哭嘔血坐一小
椀焚香禮佛不復下竟以憂卒邑宰蘊秀誄以詩一時題詠
甚夥

行貞女張洋聘妻未婚洋貿易遠方客死女年十七父母憫
其幼欲別字女曰當臨弔一訣歸議之及至喪次則剪髮削
鼻以明其志遂留奉翁姑曲盡孝道卒年五十五

蘇氏朱福全妻媼居守志歷有年所比鄰朱成王者夤夜踰
垣入媼氏驚起盡力格鬪喊聲四達玉成持鎌斫殺之康熙

中旌

代出
下同

梁氏景世贈妻世贈沒投緹以殉縣令謝兆龍旌其門

焦氏蘭譜雄妻譜雄卒不食而死

梁氏胡來進妻來進卒誓以死從遂自縊

郝氏張繼貴妻早孀矢守父母過嫁已成約而氏始知乃給之曰願理髮而行入門投縊死

鄧氏張連妻于歸時連久得廢疾尋沒氏飲冰泣血與姑相依慙少四娃者何姑外出潛入其室氏厲聲呵叱強逼之罵益厲四娃懼且忿舉斧斫之立時死事發論如律氏子旌

李氏姚若義妻諸生茂松女也年十八歸若義時若義已病瘵氏奉湯藥三年不忘及若義沒哀毀幾殆既踰百日一夕密縫衣裙投縊死

劉氏李銀山妻爲惡少張望子所戲忿而自縊嘉慶初旌

辛氏僑童韓有明妻年十七適韓甫十日歸甯母家其父與

鄰人馮某婦戲醋某聞之怒亦登門反詆之適與氏遇遂前
捉襟而戲焉氏義不受辱舍憤投水死

朱氏薛丕茂妻年三十喪夫家赤貧茹荼撫孤誓無二志未
幾孤復殤方哀痛不已聞有求偶者密紉衣裳投井死

王氏爾豫來妻年二十二夫亡哀痛絕食家人慮有不測環
守之踰兩旬守稍懈乘閒仰藥死有司爲請旌入祠

劉氏孫懷瑾妻年十八懷瑾病沒旣葬乘閒自經死

張氏迪希光妻年十五歸迪甚有婦儀未幾希光遭疾家故
獲疾革因囑曰我死汝無以自活速嚙可也遂暝氏視含斂

畢閉戶自縊

辛氏楊和順妻年二十四而婦無子時舅姑已逝惟冀叔氏
後生子可延夫嗣也未半年叔氏亦病沒遂投水死

胡氏王智民妻智民病篤氏嗚咽誓相從及智民卒亦投繯死

段氏蘭三合妻年二十四而寡家貧親織紡以奉菽水姑喜其孝而憐其苦諷以他適泣曰婦不敢死者慮親老失養無以對亡夫耳姑何爲出此言也比翁姑繼沒葬畢不食七日而死

陶氏晉大治妻夫亡自製衣衾仰藥以殉

王氏段穩河妻族人二喜素無賴調以穢語羞憤自盡咸豐中旌

郝氏段士英妻歸士英伉儷甚篤誓同生死士英爲狼所傷搶殘骸親斂之卽自縊以殉

王氏劉森茂妻年十九值同治丁卯捻逆入境走避遇賊慮

爲所辱躍入井賊去家人覓之端立水中不食已七日矣猶知呼母及出足指盡脫月餘而死

梁氏胡煥然妻捻逆之變閉戶將自縊賊破扉欲行之氏厲聲大罵遂遇害

薛氏宿全淑妻婦居年二十八賊至逼辱不屈自刎完節

何氏裴茂梧妻家貧夫客於豫寇警既迫鄉人俱逸氏守病姑不去會母亦病急歸省視甫入門而賊大至母懼不免力墜入井氏大慟亦奮身躍下並死

楊氏甯銘登妻賊縱掠至村氏據井呼罵隨躍入賊下之以石碎其首立殞一時懼爲賊辱投井死者有史承用妻賈氏陳易江妻郭氏張仁智妻邢氏朱松岳妻費氏張慎聽妻王氏諸生張銘繼妻何氏陳元璽妻胡氏而翟維精妻史氏史

天保妻程氏翟榮岫妻薛氏翟難兒妻喬氏翟藝妻張氏及
友福女小果共墜一井死又甯秉坤妻吳氏與一子二女亦
同溺死全家至無一存者

薛氏吳卓章妻賊掠至其家氏罵不絕口賊怒縱火焚其室
殞焉

毛氏張繼順妻李氏甯學貴妻賊至被逼不屈並墜崖死
姚烈女黃黃村民姚登位女也幼字原剛之子長長未婚而
原子病沒貧不能具棺其舅氏憐而斂之女之姊私慰女以
窮根已拔爲幸女揮淚曰脫再字再貧其如命何原子葬之
前夕女竟自縊舅氏義之亦具棺與原合葬焉

賀烈女蘭姐甯孝聘妻也年十七孝亡計聞蘭悲泣不食母
勸之不應徐出所繡盤囊祈父事天送納孝棺從容理髮作

婦妝自縊死時嘉慶丁卯六月距孝死方三日翁悲其志迎
柩與孝合葬焉

李烈女高登科聘妻也年十六值丁卯之變從父母避地逾
遇賊爲所掠挾置馬上女顛撲至再罵不絕口賊殺之

段貞女父吳考村居女年十五未字雍正己酉六月某夜山
水暴漲廬舍漂沒女被溺浮沈蘆葦中鄉人奔救女以赤身
堅不肯出以首濡水而死

馬貞女幼許字王應魁之子某以服賈遠出無耗女年及笄
父母欲改嫁女不可由是潸潸紉補操作倍勤於昔蓋恐家
人厭棄之也無何應魁夫婦並逝應魁次子出覓其兄音問
亦杳其妻又死遺幼子家貧無依至爲乞丐女聞而悲之招
之幸適以衣食遂偕歸其家王故有屋數椽爲族黨所占爭

之不得父控諸縣令蔡蔡詢得實親請驗卽以屋歸女焉女乃賃其半以葬翁姑留其半爲姪居生死皆賴以得所雍正末以疾卒年三十有四令匾旌其廬

張貞女杜克堂聘妻也克堂客陝未歸其家權迎女至閱數日克堂沒於外樞返女痛哭矢志不嫁正姪爲嗣事姑甚孝始卒嗣子亦天家徒四壁十指度日人目爲女中丈夫

侯氏衛振聲妻少寡安貧守節歷二十年備嘗辛苦遇寇義不受辱投河死子建藩成進士河津下同

賈氏生暢體元妻寇攻故鎮垂破氏攜子女並媳呂氏俱投井死

李氏許小年妻年二十二有惡少夜踰垣入逼之氏不從被刺死倒納尸水甕中

郝氏柴政秀妻年十八值康熙壬寅歲饑守禾於田鄰有常
山山張端者窺野無人借往逼汚氏怒罵不從被勒死知縣
錢元台祕蹤迹得之斃二凶於杖下

馬氏原某妻康熙辛丑歲祿氏乞食於市時泣曰少婦爲此
有覲面目死易耳顧安得死所而無累人耶一日脫耳環
以畀母徑至西嶼口紅石崖顧曰死此可無累也鄰人有過
者氏曰爲語吾母無復望我我今死此矣言訖投崖下死
胡氏趙金柱妻鄰惡少夤夜來逼氏誓拒之仍羞忿投纒死

乾隆中旌

楊氏薛世恆妻年二十一夫卒遺一子亦殤遂自經死

薛氏任掄元妻年二十四夫卒無子哭甚痛夜半投纒家人
覺而救之其姑泣曰癡兒不憐吾衰朽之骨竟忍棄之耶遂

忍死奉姑以姪爲嗣數年姑沒哀禮兼盡及子長成室乃悲
喜交集謂家人曰向因姑衰于幼不得不作未亡人今肩可
卸矣家人懼防之甚嚴卒乘閒自經戚族傷之歸表其門
龐氏王虎豹妻年十六歸王不二年而孀或以家貧屢勸再
醮氏抱夫木主慟哭仰藥死

鄭氏段作雲妻十七于歸踰年夫卒自縊柩前以殉

曹氏徐行健妻家貧氏事翁姑盡婦道翁卒氏脫簪珥以斂
未幾夫亦沒無嗣雙柩停室力不能葬痛不欲生戚屬勸再
醮氏不應尋閉戶自經時年二十六鄉人義之爲釀金營窆

楊氏孫竹林妻年二十六夫卒欲以身殉念姑老子幼矢志
事育撫子炳宗成立及姑沒葬畢遂閉戶自經時年四十二

鄉人爲之請旌

劉氏原雜大妻十七歲夫故無子殯斂如禮越七日自投水
缸以殉

李氏楊待元妻年二十夫沒於外樞歸氏痛哭終日自縊樞
前同治中旌

原氏史成讓妻同治丁卯捻逆之變與鄰婦走避山巔賊搜
獲逼以從氏抱子投崖未死賊至崖下以刃脅之則厲聲怒
罵賊遂殺之子竟無恙有憐之者拾去後覓歸

李氏史甯大妻寇至恐被污抱子投井越十日出其尸面色
如生

陳氏侯士壩妻年二十捻逆掠及其村薦不屈與夫妹及姪
女俱投井死

賀氏郭村某妻也歸省父母路遇賊迫之上馬行至井邊氏託故抱兒投井死

任氏陳寶珠妻年二十六夫亡安貧撫孤奉姑尤謹守節已十一年罵賊不屈賊割其脣投井死

馬氏史小娃妻賊至家人盡逃氏閉門自縊死

賀氏李維剛妻遇亂與維剛奉母攜子走避氏自度不免懼爲夫累入井死又有賀清御妻趙氏者抱女避亂爲賊所逼借女投井

楊氏趙永平妻侯氏趙永銀妻並罵賊不屈爲賊所刃宛轉投崖死

衛氏魏有輝妻從夫避亂遇賊挾之上馬氏墜地求死賊刺之血濺夫衣終不從賊委之而去

王氏盧方方妻年二十一夫亡晝夜涕泣尋投河死

薛氏柴兆羣妻年十九夫死百日值清明掃墓歸自盡以殉
羅氏李林子妻年十八夫亡晝夜哀泣不進飲食葬之日遂
自盡

楊烈女陳勅子聘妻也母家貧年十一歸陳童養焉寇變勅
子被擄去女尙未婚矢志守義孝奉舅姑村惡少欲犯以非
禮力拒得脫忿極自縊死時年十九

任烈女任建邦姪女也年十七爲賊所執欲汙不從賊脅以
刃女曰吾甯死耳卽奪刀自刎死

王烈女父心郎村居女嫁有日矣賊至被執挾以行女奮罵
不從賊殺之

侯烈女父煜村居女許字諸生趙桂齡未婚遇亂賊欲擄之

女誑以更衣遂投井死桂齡以禮迎其柩而葬於祖塋
史烈女蘇枝史貞祥女年十七未字賊至恐被污投井死同
時侯士壩妹年十五姪女年十四皆死於井

吉氏石合圯妻寇至與家人五六潛躡屋上爲賊所窺氏自
揣不免謂我一命不捨衆皆羅虎口矣賊問乘屋者幾人直
應曰我一而已遂倒墜而下罵不絕口賊斷其喉而死舉家
得免縣令賀雲舉表其門

絳縣下同

趙氏焦三娃妻夫借王全鎖司更舖舍全鎖知氏獨處夜半
詭言寒甚返向火徑趨氏室叩門氏以爲夫歸也啟關全鎖
遽仆氏於牀壓其幼子氏方知誤奮力格拒全鎖怒掣牀頭
鐵器擊殺之棄尸於巷復返舖舍臥黎明三娃歸門大開子
死妻不見血污滿地尋得尸莫知殺者後見全鎖衣漬血究

得實訟於官案誅如律氏詔旌

邵氏諸生李邦輔妻遇賊逼之去氏瞑目曰有死而已不能從賊賊怒揪其髮殆盡泣罵不已遂爲所殺裂其尸而去姑王氏明季死難時稱姑婦雙節

陳氏王之鳳妻罵賊不屈遇害

孫氏諸生白玉書妻年十八玉書卒氏悲傷成疾月餘卒以身殉邑令表其門

李氏賈芳芷妻年十七結縵未三月夫故矢志從死乘閒縊於柩側

王氏監生喬璞妻璞卒無子立姪則簡爲嗣將窆三日前沐浴自縊時年二十七又裴恒祚妻李氏亦以投縶殉夫爲邑令匾旌

陳氏任鑑妻年二十九而寡家貧無子女紡績度日夫喪將終遂縊死縣令匾旌之

撤氏王掄升妻年十九掄升卒無子家貧親黨咸勸之嫁泣拒之數年後其祖終以其年少難守與翁議將奪其志氏聞乃自縊縣令吳匾旌之

帝氏王希安妻幼讀女箴明禮教適希安以賢淑稱年二十二希安卒無子氏哀號擗踊誓以身殉越三日縊於柩側

王氏朱琰妻年二十六琰卒無子矢節奉姑朝夕不懈葬夫畢有族人將逼之嫁以圖利氏聞哭拜夫主前投縊死

閻氏王寅妻年十八寅沒敏畢憑棺號泣哀動閭里卽於其夕經於棺前縣令李匾旌之

原氏王文麟妻年二十二文麟卒姑老家貧父勸之嫁氏不

應絕歸甯者數年績紡養姑姑沒既斂慨然曰吾所以不死者以有姑也姑今已逝吾何生焉遂自縊

王氏王立根妻年二十三夫死自縊以殉

裴氏王公吹妻公吹卒痛哭矢殉卽經於柩前

崔氏姚莢妻莢外出有強暴逼辱之氏不從自縊死有司爲之請旌置強暴於法

焦氏郭步月妻年十五步月病篤與氏訣約服闋從死及大祥竟自縊

王氏張樂三妻歸三年而樂三病沒其夕氏投繯以殉家人急救乃甦至次夕仍自縊死里人爲豎石表之

喬氏賈仰斗妻于歸甫四月仰斗卒氏年十七投水缸以殉縣令陳隴旌之

蔡氏撤從霧裏年十八于歸未期而孀緘柩側以殉去夫死甫七日也

郭氏郭清新妻捻逆入境婦女避難山峪賊至獨掠氏出氏罵不絕口手挾剪刀刺賊賊甚碎剝之縣令陳爲請旌

王烈女墜姑父萬慶村居捻匪至逼辱之女怒罵不從投道旁井死事聞給旌

楊氏王汝貞妻年二十二而寡紡織撫孤聞寇警義不受辱投縊死

垣曲下同

夏烈女安奪魁女幼字楊蛋子年十七未嫁夫沒偕母往弔撫尸大慟遂挽髻變服道婦禮執喪越三日將殮身懷利刃送之其祖母年逾七十矣亦至察其狀有異搜之果得刃抱而曰汝欲死吾亦難生矣女不得已同還侍養二年祖母沒

葬畢竟絕粒死村人感其烈爲立石道旁公舉旌表

趙烈女趙逢王女楊曰路聘妻也年十六未嫁聞曰路訃稿素臨喪誓以身殉翁姑亟勸止既歸家人守護甚嚴卒不食

死

以上絳州

王氏宋德盛妻適德盛末期被寇掠不屈遇害

臨州下同

曹氏曹如華妻曹智生與夫戲謔誣以穢行氏聞大恚墜窰死嘉慶中旌

張氏梁文典妻年二十六值大祲夫饑且病沒氏投崖以殉張氏史煥朝妻煥朝病沒遺女二氏晝夜痛哭三日水漿不入口竟服毒死時年十九

馬烈女看鐙兒馬國柱女惡少裴相武乘間戲挑之力拒免尋羞忿自縊嘉慶中旌

李烈女蛇蛇李光祿女年十六未字鄰張觀音保犯以非禮力拒被殺張亦畏罪自刺腹死

席氏生員曹孔杰妻年二十孔杰卒無出痛不欲生或以立嗣勸意稍轉擇族人子鞠之子幼小戀生母百方恩育終不馴戚里見其苦況勸再醮氏泣曰吾所以不死者爲夫嗣計耳今若此吾將從夫於地下矣乃歸嗣子於其母仰藥自盡

蒲縣下同

王氏從九常傑妻丁卯捻逆之變餘黨竄入縣境者時已夕氏有弟適來候姊賊突入殺之欲污氏氏罵曰吾卽死肯從賊耶賊脅以刃罵愈厲遂遇害

任氏馮高位妻高位病沒氏傾資辦棺槨營窆殯既畢遂

自縊

大庸下同

李氏郭世旺妻年二十值康熙己丑歲疫郭將鬻妻氏揣不能挽投河死

馮某妻馮氏值歲歉翁與夫潛納秦人聘遣之行氏不從投縊死時年十九

韓烈女秀姐幼聰慧及長美姿容工鍼黹父母奇貨居之女知潛謂母貧富命也樵夫牧豎所不敢嫌不願爲人妾媵也母以爲癡竟受富人金鬻爲妾娶有日矣女乘間自縊死時

年十六

永和以
上臨州

許氏邢其恕妾其恕客淮揚納焉甫生子而其恕沒柩將歸里父母咸阻氏行氏曰已爲邢氏婦死亦無辭及至事嫡甚謹朝夕哭泣卒以憂傷死聞者悼歎

霍州
下同

程氏廩生楊翼妻翼病篤泣與訣曰君死妾不獨生翼卒氏

盡罄其產厚斂之掩戶鹽沐自經柩側

杜氏武生劉煌妻聰慧能書歸煌未有子煌卒於平陽客舍
檝還氏哭之慟決志從死殯前一日自縊檢衣帶中有遺書
曰爲夫盡節毫無爭端蓋慮其母氏之有異言也當事題旌
之

朱氏李法曾妻有強暴迫之堅拒被害乾隆中旌

邢麟裔爲惡少所誣忿甚急欲自明墜樓死乾隆中旌

韓氏李欽兒妻爲強暴所逼不從投井死乾隆中旌

郭氏陳某妻夫因遊蕩破家將鬻氏於某豪適令就車氏堅
執不從投井死里人哀之

任氏王錫瑞妻年十九錫瑞日耽讀溺苦至嘔血氏方生女
未彌月驚悸欲絕未幾錫瑞卒卽絕粒數日死雙柩同殯鄉

里哀之

周烈女字劉宏芳年十五將婚而宏芳卒女欲自盡家人防衛甚至女乃絕食而死

王貞女父掄元諸生幼字衛氏子未結縵而衛子死女遂自縊縣令羅表其墓

趙城

趙氏王小虎妻年二十一夫沒矢守奉姑母欲嫁之氏自縊救免及姑卒乃曰吾今可以死矣遂自盡

靈石下同

郭氏房可棟妻歸可棟未逾年可棟流亡莫知所之旣而舅姑逝族人強之嫁氏堅執不從自縊死

王氏房星耀妻年二十星耀病臨終命更適氏泣曰是禽獸之不若也遂自縊以殉

田氏李友莆繼妻夫病篤子尙在襁褓臨卒囑以撫養氏曰

妾盡心撫養濟則夫之靈也不濟則以死繼之已而子以痘
殤氏遂墜樓卒年二十二嘉慶中旌

王氏高紹南妻年二十夫亡遺孤未週歲未幾亦歿遂自縊
李氏王國樞妻六貿易在外病終平定扶柩歸未週七日氏
縊於柩前年二十四知縣姚區其門以上

右代保解絳隰霍六州四百六十九人

尙烈女幼受某氏聘女父操業賤貧不能自存貧重貲將以
女別字某甲鄰有潘媪者素與女善女往候且詢之媪具以
告女泣下急歸佩前所受聘簪珥哭其母竟日夜自縊死當
事聞之爲憇其父而刻石女慕以旌其貞歸化城廳

相氏王孝妻孝傭工於外無賴某窺氏獨猝犯之氏嚴拒恐
不免乃詭令出窺人急闔戶自縊乾隆中旌豐鎮廳

山世通記卷一 下 二十三 列女傳二十二 三
潘氏劉建基妻父綬周諸生氏年二十五建基卒遺一女號
慟欲絕斂畢入室易妝自縊死

李氏張宗第妻土豪某欲犯以非禮語侵之氏義不受辱投
縊死

蕭氏張繼康妻繼康忻州人服買塞外因聘焉既歸貧不能
自給氏以鍼帶供晨夕經年無怨色未幾繼康病沒欲扶柩
歸忻父忠義憐其年少無子又審知夫家貧迫之他適氏知
不免自縊死里黨羣欽其烈爲殮金棺斂借其夫柩同歸

趙氏劉士奎妻父守正諸生氏嘗從授讀知大義歸劉五年
而孀矢以身殉斂畢自刎不殊家人遷守之乘間以手自抉
其喉而死年二十二

劉氏劉德元妻德元病瘵不起與氏訣以無子當嫁語甚慘

懷氏泣以死誓德元卒遂自盡年甫十九

以上
媛道

右歸化豐鎮二處八人

山西通志卷一百八十三

山西通志卷一百八十三 列女錄二十二

美

